




Segun CAft Aruba ta cumpli cu meta financiero, pero ta adverti pa keda alerta riba gasto



- **Ainda no tin plan integral pa mitiga impacto di desaroyo mundial riba nos economia**

Pagina 6

- **Erick ta subi tera na Mexico como horcan categoria 3**

Pagina 10


- **Minister di Economia Ruso ta bisa cu e pais ta 'na punta di recesion'**

Pagina 18

Dentro di un siman, hues lo duna decision den caso di De Meza contra DIMP



Spaña ta rechasa propuesta anticipa di NATO di un gasto di 5% den defensa




% TUI DEALS OP=OP
AMSTERDAM
BIAHE IDA I BUELTA FOR DI
AWG 1396,-
pa persona

 paga tiki tiki

E preis menshoná ta un preis di komienso di un biahe ida i buelta pa persona ekaluando gastunan di reservashon, i ta reservá di kambionan di preis i eronan di imprenta.
AUA



Skèn e QR-code pa e oferta aki



KING OF SPADES
JUNE 7th - 28th, 2025
\$15,000 IN CASH PRIZES!

THE CASINO AT
THE RITZ-CARLTON
ARUBA



Minister Geoffrey Wever

Aruba ta inicia e proceso pa un futuro sostenibel: E vision ambicioso pa horticultura local ta bira realidad cu Agri-Innovation Park

Diamars anochi Minister di Finanzas, Asunto Economico y Sector Primario, Geoffrey Wever a presenta e proyecto Agri-Innovation Park na mas di 110 horticultor, agricultor y personanan interesa pa bira esaki.

Den un momento cu por ser describi como historico pa e sector di agricultura di Aruba, Minister Wever, a presenta e proyecto Agri-Innovation Park cu ta bay transforma e manera cu nos isla ta produci y consumi fruta y berdura. Ministerio di Sector Primario ta trahando hunto cu Santa Rosa riba un plan integral pa henter e sector primario, pero e proyecto aki ta enfoca riba produccion di alimento den cas, brinda un infraestructura

unda cu tur agricultor por haya informacion y por educa nan mes riba e area di agricultura comercial. Durante e sesion nos a ricibi varios sugerencia di e participan-tenan, cual nos lo tene cuenta cune den e proceso di desaroyo di e AIP. E proyecto ta un paso firme den direccion di autosuficiencia alimentario, sostenibilidad y crecimiento economico local.

“E futuro alimenticio di nos pueblo no mester depende di importacion,” Minister Wever a enfatisa. “Nos tin tera, nos tin solo, nos tin hende balente y awor nos tin e vision y e plan pa crea un sistema di produccion local cu ta resisti crisis, crea trabou y yuda nos pueblo come mas saludabel.”

Un fundeshi pa progreso: E rol di e Agri-Innovation Park

Diferente estudio a ser haci durante e ultimo añanan pa sondea cua ta e mihor forma pa structura e iniciativa aki. Recientemente e rapport di Priva a keda cla for di cual nos a ricibi informacion valioso pa por delinea e direccion cu nos tin cu bay. Banda di haci estudionan, nos a busca profesionalnan manera Sr. Elwin Groenevelt pa yuda nos cu guia y sosten profesional den e proceso pa ehecuta e proyecto di vital importancia pa Aruba.

E Agri-Innovation Park lo sirbi como e curason di un revolucion horticultural. Situa den un area strategico, na Santa Rosa, e park lo combina



cas moderno pa produccion y experimento, espacionan pa educacion, un laboratorio pa innovacion, y facilidadnan pa distribucion y almacenamento. E compleho ta parti di e Agripreneurial Development Program (ADP) y ta forma un pilar fundamental di e Plan Nacional 2023–2025 pa un modelo economico mas inclusivo y duradero.

E obhetivonan principal di AIP ta, desaroya e sector di “horticultura” pa medio di tecnologia y conocimiento, aumenta e capacidad di produccion local reduci dependencia di importacion y diversifica nos economia.

Impacto real: Menos importacion, mas prosperidad local

Aruba ta importa mas cu 99 di su fruta y berdura. E estudionan a muestra cu si e proyecto aki ser ehecuta corectamente, por substitui e importacion pa produccion local di fruta y berdura balora na 111.8 miyon florin. E vision ta bay mas leu, den un calculacion pa expansion gradual, e mercado potencial por yega hasta Afl. 300 miyon, incluyendo exportacion pa paisnan den region.

Ademas, e plan por crea 170 cupo di trabou directamente den e sector di kasteelt y 250 cupo di trabou indirectamente den logistica, man-tencion, distribucion y servicionan tecnico. Esaki ta loke Minister Wever a discribi como “un industria completamente nobo cu por bira un pilar economico pa Aruba.”

Tres fase di transformacion

Minister Wever den su pre-

sentacion a delinea un ruta pa e desaroyo di e proyecto. Fase 1 (0-3 aña): Fortifica e produccion actual cu “folie-tunnels” pa lechuga y con-comber. Fase 2 (3-5 aña): Introduccion di cas mas avansa, cu teelt di paprika, tomati y leafy greens. Fase 3 (5-8 aña): Escala grandi, 100% autosuficiencia pa berdura y fruta selecciona, preparacion pa exportacion.

Apoyo, Regulacion y Financiamiento

Minister Wever ta haci un yamado riba nos sector priva y publico pa traha hunto pa por logra. E plan ta inclui recomendacion pa:

- Tarifanan reduci pa electricidad pa agricultornan nobo;
- Subsidio pa cubri gastonan inicial y pa expansion y usando tecnologia duradero;
- Facilidadnan pa credito y fondonan di garantia pa agricultornan cu no por usa cas of tereno como colateral;
- Zonificacion pa agricultura y proceso acelera pa permiso pa ricibi tereno.

Un yamada pa accion

“Nos pueblo kier cuminda na prijs mas abou, mas fresco y mas saludabel,” Minister Wever a bisa. “Nos sector di agricultura tin e pasion. Gobierno tin e plan. Awor nos mester uni forsa. Solamente si nos traha hunto, e transformacion ta posibel.”

E minister ta yama tur agricultor cu ta interesa den horticultura pa tuma parti den e proyecto aki.

TIERRA DEL SOL GOLF COURSE
IBEROSTAR

The Birdie
CLUB HOUSE RESTAURANT

FRIDAYS
Happy Hour

5-7 PM 50% on Drinks & Tapas

Please call 586-7800 ext. 231 or 242
E-mail: tdsba1@iberostar.com
www.tierradelsol.com

Dentro di un siman, hues lo duna decision den caso di De Meza contra DIMP

Ayera mainta, parlamentario Mike de Meza (AVP) a presenta den corte cu su abogado, mr. Desiree Croes, pa un audiencia den e caso cu e parlamentario a entrega contra Ministerio Publico. Esaki pasobra Departamento di Impuesto a entrega un keho contra De Meza, pero OM no a duna De Meza ningun informacion.

Manera Bon Dia Aruba a reporta anteriormente, parlamentario y candidato pa minister den Gabinete AVP-Futuro, Sr. Mike de Meza a entama un caso contra Ministerio Publico, despues cu a bira conoci cu Departamento di Impuesto a entrega un keho contra De Meza. Pa motibo di e keho, OM mes- ter a habri un investigacion penal contra De Meza.

Abogado Croes a bisa den prensa local cu nan a pidi OM informacion riba e acusacionnan, poniendo un deadline pa ricibi contesta di OM. OM no a contesta nan solicitud dentro di e periodo cu De Meza y su abogadonan tabata kier, y pa e motibo aki, a hiba OM corte.

E caso ta pa purba forsa OM, cu intervencion di un hues, duna De Meza y su ekipo informacion tocante e acusacionnan y kico ta e sospechonan cu tin contra e parlamentario.

De Meza: “Ami ta bringa e acusacionnan aparentemente cu tin of no tin contra mi”

A pesar cu e caso ayera tabata tras di porta cera, na salida, De Meza y Croes a duna algun comentario pa prensa presente.

“Hues a scucha nos hopi bon,” mr. Croes a bisa. “El a haci hopi pregunta na OM, cu OM no por a contesta. OM constantemente tabata sconde tras di e LIM,” el a agrega, refiriendo na e ley conoci como Ley di Screening di Minister. “Ora un persona ta wordo cualifica como un sospechoso, e mester haya sa di kico e ta wordo sospecha. Y nos ta dos siman caba ta bayendo ta puntrando kico ta pasando, y akiden tampoco OM no por a contesta e pregunta. No por a duna ningun splicacion, e no por a ni contesta e hues su preguntanan.” Sinembargo, Croes a bisa cu nan ta “hopi contento mes”

cu e atencion di hues. Hues “a bisa cu e ta compronde e situacion cu De Meza ta na e momentonan aki, y el a pusha hopi den direccion di OM pa duna cierto informacion, pero OM constantemente ta bisa cu no por contesta.”

Tocante pakico ainda no por duna contesta, Croes a bisa cu OM “ta tira riba cu no tin suficiente placa, no tin suficiente hendenan cu ta traha. Y mi ta kere, si esaki ta hopi straño pa bo tende, cu un caso asina importante, cu tin un interes general, interes di gobierno, di Pais Aruba, cu no ta duna preferencia. Pasobra e caso aki ta un caso sumamente importante pa atende cune.”

Pa loke ta su expectativa, el a bisa cu “nos no ta pidi pa bo keda cla cune, pero nos ta pidi pa bo cuminsa cune. Pa bo bisa nos por lo menos de que se trata.”

De Meza a confirma cu OM no por a confirma ainda si e ta of no ta sospechoso.

De Meza ta considera cu “e ultimo dos siman, ultimo lunanan, repetidamente nos a trece cosnan straño dilanti. Na cierto momento hasta nos a bisa hues tambe cu mi ta sinti cu esaki tambe tin hasta persecucion politico den dje.” Sinembargo, el a bisa cu e ta hopi satisfecho cu e manera con hues a trata e caso, “hopi habri, e tabatin hopi pregunta (...) Bo ta mira cu e ta mira cu en berdad esaki no ta un caso usual y ta mira tambe e importancia di haya claridad mas liher cu ta posible.” Pero asina mes, no por a haya ningun claridad ainda. “OM hasta a bisa cu e no por contesta riba e pregunta si realmente nan a informa prome minister” tocante e keho, De Meza a bisa. “Ni esey tabatin contesta riba esey,” Croes a agrega, indicando cu si a haya un e-mail bisando cu ora cu sigui cu e investigacion, lo yama nan. “Dus tin algo, pero nan no por bisa kico e ta.”

Croes a critica sinembargo cu e proceso di investigacion di OM ta para e proceso di nombramento di minister pa De Meza, siendo cu ni sikiera por bisa ainda si e ta un sospechoso. Esaki pasobra intencion di Gabinete AVP-Futuro ta pa De Meza asumi e cartera di Infraestructura, Energia y Telecomunicacion. Sinembargo, De Meza no a pasa e



screening pa minister, y e mes a bisa cu tabata pa motibo di investigacion di DIMP cu ta parti di e proceso di screening. Awo e caso di OM ta complica mas e proceso.

Contestando kico e lo haci si e tabata den posicion di formador, De Meza a bisa cu “e ora mi lo mira e situacion anto mi lo tuma un decision.” Bon Dia Aruba a puntra kico ta e plan awo relaciona cu e nombramento di De Meza como minister. “Ami ta bringa e acusacionnan aparentemente cu tin of no tin contra mi. E camindanan ey mi ta cana,” el a contesta. “E nombramento di minister cu eseynan ta den man di prome minister [Mike Eman]. No ta den mi man.”

OM: Actualmente no tin ningun persecucion andando contra De Meza

Den un comunicado di prensa ayera mainta, OM a splica cu De Meza a haci su demanda a base di articulo 43 diCodigo di Procedimento Penal. Señor De Meza a afirma cu e formador a pone na haltura cu Ministerio Publico a califik’e como sospechoso, a base di un denuncia door di inspector. Cu e peticion aki, e ta pidi Hues pa duna Ministerio Publico ordo pa inform’e tocante e tipo y mo-

tibo di e sospecha contra dje.

Articulo 43 diCodigo di Procedimento Penal ta bisa cu un ciudadano por pidi Hues pa haya un solucion na momento cu surgi un problema pa cual no tin regulacion legal specifico, pero cu di tur manera mester wordo resolvi urgentemente. Den tal caso, Huez por tuma un medida concreto pa garantiza cu e proceso penal ta desaroya bon y husto. Pa respalda su peticion, e peticionario ta basa su argumentacion riba e Convencion Europeo di Derechonan Humano, e Staatsregeling y e Directiva 2012/13/EU di Parlamento Europeo y di e Consejo cu ta trata e derecho di haya informacion den procedimentonan penal. E directiva aki ta bisa cu tur persona cu ta wordo acusa pa un hecho castigabel tin derecho pa wordo informa tocante e tipo y motibo di e acusacion contra dje.

Sinembargo, segun OM, actualmente no tin ningun persecucion andando contra e peticionario. Tampoco a deten’e, ni invita pa ser scucha como sospechoso. Es-eynan lo ta e momentonan caminda un mester pone un sospechoso formalmente na haltura cu e ta sospecha of acusa di comete un delito pe-



nal. Esaki ta aplica pa tur ciudadano cu ta sospechoso, incluso pa De Meza. Ministerio Publico no ta mira ningun motibo pa kita di e norma aki den caso di e peticionario en cuestion. Pa e motibo ey, Ministerio Publico ta para riba cu mester rechasa e peticion.

E procedimiento di screening pa candidato-minister

Considerando e obligacion di confidencialidad cu ta aplica pa tur persona cu ta involvi den e ehecucion Landsverordening integriteit ministers, Ministerio Publico no por haci ningun declaracion tocante e ponencia di e peticionario cu e ta formador lo a inform’e cu e ta sospechoso di un delito penal, segun e comunicado di OM. Ministerio Publico por unicamente indica den forma general, cu den e Landsverordening integriteit ministers, e legislador a encarga e Procurador-General pa haci un investigacion hudicial riba e candidatonan pa minister. Tambe e legislador a determina cu e Procurador-General mester saca un declaracion na e formador y na Gobernador, den cual ta indica si e candidato ta sospechoso di un delito den un investigacion activo. Pues e legislador ta determina e reglanan, e funcionnan legal y e obligacionnan di Ministerio Publico. E ciudadano mes ta determina e momento cu e ta presenta un denuncia.

Hues lo tuma su decision mas liher posibel, en todo caso dentro di un siman. E pregunta principal cu lo mester contesta ta si mester haci excepcion pa un candidato pa minister, en comparacion cu cualkier otro ciudadano di Aruba.

Segun CAft Aruba ta cumpli cu meta financiero, pero ta adverti pa keda alerta riba gasto

Recientemente, Colegio di Supervision Financiero di Aruba (CAft) a publica su reaccion riba e uitvoeringsrapportage (UR) di Aruba pa e prome kwartaal. Den su reaccion, e Colegio ta remarca cu e cifranan ta positivo pa pais Aruba, pero alabes a reitera cu ta importante pa gobierno sigui pone esfuerso pa tene e gastonan di personal bao control.

Riba dia 3 di juni 2025, CAft a ricibi e rapport di ehecucion (UR) di Aruba. Den su carta di reaccion, e Colegio ta splica cu e prome UR ta muestra un saldo positivo di surplus di Afl. 122 miyon, cu ta 1.7% di e producto interno bruto (GDP). Cu esaki, CAft ta señala, Aruba ta cumpli (pa awor) cu e norma di saldo financiero di sector colectivo. Alabes e Colegio a indica cu Aruba ta cumpli tambe (pa awor) cu e norma di gasto di personal.

CAft a indica cu e quota di debe ta sigui baha constantemente y a remarca cu e pais ta riba un bon curso pa logra un quota di debe di 50% prome cu aña 2040. E Colegio a sigui splica cu e reduccion adicional di debe ta posibel si e surplus di fondo di cuido di salud y seguro social ser usa pa esaki. Ademá CAft tambe a indica cu ta nota cu e nivel di inversionnan ta keda hopi patras.

Pa loke ta trata e saldo financiero, CAft ta splica den su reaccion cu manera indica e prome UR di 2025 ta muestra un saldo positivo di surplus di Afl. 122 miyon pa sector



colectivo. Pa fin di 2025, Aruba ta spera logra un surplus di Afl. 256 miyon, mientras cu den e prome cambio di presupuesto (OBW) pa 2025, un surplus di Afl. 192 miyon tabata calcula.

CAft a sigui splica cu e ta nota un desaroyo positivo den e ingreso di impuesto, specialmente den impuesto indirecto. E Colegio ta remarca cu si e tendencia aki sigui, por spera un ingreso adicional.

Aruba a logra Afl. 415 miyon di ingreso den e prome kwartaal di 2025. Esaki ta Afl. 4 miyon (cerca di 1%) mas cu den e mesun kwartaal di 2024.

E Colegio a splica cu e ingreso for di impuesto a subi cu Afl. 36 miyon den e prome kwartaal di 2025 compara cu e mesun periodo di 2024. E aumento aki ta totalmente atribui na e aumento den impuesto indirecto (Afl. 48 miyon). E ingreso for di im-

puesto directo a baha cu Afl. 12 miyon.

Esaki, CAft a indica, ta principalmente relaciona cu e baha den tarifa di impuesto riba salario, cu for di 1 di januari 2025 a baha for di 10% pa 0%.

Teniendo cuenta cu e desaroyonan geopolitico y e inseguridadnan economico cu ta bini cu esaki, CAft ta considera cu ta prudente pa no ahusta e presupuesto pa awor riba e situacion aki. Particularmente, desaroyonan economico na Merca por tin un impacto riba e sector turistico.

CAft a recomenda Gobierno di Aruba pa controla e realizacion mensualmente pa wak si nan ta sigui desvia for di e pronosticonan, y pa inclui cualkier ahustacion den e dos OBW (najaarsnota).

Pa loke ta trata gastonan di personal, e Colegio a splica cu pa 31 di maart 2025, e to-

tal di gastonan di personal tabata Afl. 122 miyon. Pa 2025, e gasto di personal ta calcula na 7% di e GDP. Cu esaki, manera ya indica, Aruba ta cumpli pa awor cu e limite di 10% cu lo ta vigente for di aña 2027. CAft ta enfatisa cu pa e añanan cu ta bin, ta importante cu e pais sigui pone esfuerso pa tene e gastonan di personal bao di control.

Pa loke ta trata e quota di debe, CAft a indica cu pa fin di maart 2025, e debe di Aruba tabata Afl. 5.145 miyon, un bahada di Afl. 124 miyon compara cu e debe di fin di maart 2024. E quota di debe ta 70% di e GDP pa fin di maart 2025. Esaki, e Colegio a señala, ta e debe di e pais mes, no di henter sector colectivo.

CAft a splica cu e composicion di e sector colectivo ainda no ta estableci, p'esey e no por a evalua con e posicion di debe di e sector colectivo ta desaroya na un termino largo.

E Colegio a indica cu e quota di debe di Aruba ta keda sensitivo pa shocknan economico. Ademá, el a agrega, e gastonan di interes, actualmente 16% di e presupuesto, ta sigui pone presion riba e presupuesto.

CAft a enfatisa cu pa aumenta e resiliencia financiero di Aruba, ta necesario pa sigui reduci e debe. E Colegio a recomenda anteriormente pa logra acuerdo cu AZV (Seguro General di Gastonan Medico) y SVb (Banco di Seguro Social) pa por usa e surplus di e instancianan aki pa paga e debe, teniendo cuenta cu e obligacion legal pa mantene un fondo di reserva. E Colegio a indica cu si ta usa

e surplusnan aki pa paga debe externo, e debe di sector colectivo lo baha y e interes ta keda menos.

Pa loke ta trata inversionnan, CAft a indica cu Aruba a presupuesta Afl. 71 miyon pa inversion pa 2025. Den e prome kwartaal di 2025, solamente Afl. 0.2 miyon a ser realiza. E Colegio a splica cu debi na e falta di capacidad den e sector di construccion, como consecuencia di e crecimiento economico continuo, tabatin retrasonan den e proceduranan di contrato pa e proyectonan di inversion cu ta financia pa gobierno.

E Colegio a señala cu el a nota cu e riesgo cu a ser indica anteriormente ta keda confirma, cual ta cu no tur e inversionnan planea pa 2025 lo por ser realiza.

CAft a recomenda Gobierno di Aruba pa desaroya un plan di inversion multi-anual cu ta aline cu e prioridadnan di politica y cu e capacidad di realizacion di e pais. E inversionnan, e Colegio a indica, mester tin un fundamentacion fuerte y mester ser evalua pa wak su posibilidadnan di realizacion.

Pa awor pa CAft no ta cla cual proyectonan di inversion ta bay ser realiza den e presupuesto di Afl. 71 miyon. CAft ta premira cu no tur e inversionnan cu a ser presupuesta pa e aña aki lo por ser realiza.

Alabes CAft ta enfatisa, den liña cu su recomendacion anterior tocante e planta di RWZI, cu gobierno por usa parti di e fondo disponibel pa inversionnan pa e inversionnan planifica den e proyecto di RWZI. E Colegio a remarca cu door di asigna e fondonan na un proyecto specifico, e presion riba e ehecucion por ser organisa di un manera mas directo y kizas por maneha esaki miho.

CAft a indica cu den e contexto di e "Landspakket", Aruba ta traha riba fortifica e maneho financiero, y ta logrando progreso den esaki. E Colegio a nota cu e atraso den entrega di UR a ser elimina. Ademá, e Colegio a señala, e cuentanan anual pa 2019 y 2020 a ser entrega na Algemene Rekenkamer Aruba (ARA), y e cuentanan cu falta lo sigui durante e aña aki.

Tabel 1: Overzicht realisatie gewone dienst (in miljoenen AWG) ⁶					
	1e UR 2023	1e UR 2024	1e UR 2025	1e OBW 2025	Percentage ten opzichte van de 1e OBW 2025
Baten	348	411	415	1824	23%
Directe belastingen	116	134	122	628	19%
Indirecte belastingen	173	201	249	831	30%
Overige baten	59	77	43	365	12%
Lasten	352	349	370	1690	22%
Personeelslasten	112	111	122	509	24%
Goederen en diensten	45	46	45	214	21%
Rente	61	57	55	294	19%
Subsidie	51	54	61	243	25%
Overdrachten	37	38	43	228	19%
Bijdragen & afschrijvingen	45	42	44	200	22%
Exploitatieresultaat	-4	63	45	134	34%
Kapitaaldienst	4	7	5	-55	-8%
Kapitaalontvangsten	9	12	10	40	24%
Kapitaaluitgaven	5	5	5	95	5%
Financieringssaldo land	0	70	50	78	63%

Bron: eerste uitvoeringsrapportages 2023-2025 en OBW 2025 van Aruba.

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.




Segun modelonan di Korinek et al. & Stiefenhofer et al. (2025) automatisacion & UBI lo bira crucial

Recientemente nos por nota dos articulo academico un di Korinek et al. 2024, cu ta muestra e diferencia mainta trepan cu lo ta bay tin den e acumulacion di capital den siglo 21 dor AI y automatisacion. Den un otro publicacion di Stiefenhofer et al. 2025, e academico a crea un modelo di varios escenario con e taxatie y redistribucion aki di e prosperidad crea por forma e base pa un Universal Basic Income cu ta crece cu e nivel di automatisacion y creacion di prosperidad. Pa mi analisis mi a usa "Claude 4.0 Opus", pa combina e dos papernan academico aki y pa modela varios escenario.

Scenario Conservativo di AGI pa 2035

Den ambos paper ta toca e tema di "AGI", esta Artificial General Intelligence, un terminologia academico pa un



tempo unda AI ta yega na un punto cu e por match e inteligencia di un ser humano den tur ramo, esta creatividad, inteligencia exacto y tur otro factor. Debi na esaki ambos academico Korenik y Stiefenhofer ta indica cu 2035 lo ta un aña crucial unda e tendencia di automatisacion lo cuminsa bay den full speed. Rond e aña aki lo tin mas trabao automatiza completamente, cu hende necesario pa cupo di trabao. Pa aña 2040, 98% di tur trabao humano lo ta automatiza.

Esaki lo por parece un proyeccion hopi extremo pa hopi lector, pero usando analisis di Peter Gostev, nos por wak con enormemente rapido e poder den ramo di computing ta acelerando ya caba pa añanan 2026 pa 2030, unda e total di "computing power" disponibel lo ta literalmente 47 miyon biaha mas grandi cu esun di 2025. Combina esaki cu progreso den algoritmonan, e no lo ta straño pa pensa cu nos lo por tin sistemanan di AI hopi mas potente pa 2030 - 2035.

Den e analisis econométrico hopi amplio di Stiefenhofer et al. 2025, e academico a calcula varios escenario unda bao diferente forma di taxatie di capital cu AGI lo crea y su redistribucion bao di un schema di UBI. Segun Stiefenhofer e ta esencial pa bin cu un taxatie progresivo riba e capital cu AGI lo crea, pa asina preveni un super-acu-

mulacion di capital den un grupito super chikito, y super poderoso. Den su formulanan, esaki ta nota cu > 1 .



Usando un tax progressivity $= 2$. Den combinacion cu 80% di tur e entrada aki lo bay direct pa un schema UBI ta duna resultadonan toch wel hopi notabel y siguramente merece hopi atencion. Den su grafico di e combinacion di un belasting ultra-progresivo riba AGI capital y un 80% redistribucion por tin base pa un cifra di UBI cu ta 80 biaha e minimumloon. Esaki ta e grafiek cora cu $e = 0.8$ (80%). Usando e otro model di Korinek et al. 2024 nos por spera e AGI Capital (KAGI) nivel aki rond 2045.

Awo naturalmente ambos lector cu no a profundisa nan mas ampliamente den e materia y vooral nos ultra-kader lo pensa cu e conclusionnan menciona ta "sumamente extremo". Pero si en berdad 99% di tur cupo di trabao wordo automatiza pa 2040 - 2045, cual si nos wak tur indicacion no ta un voorspelling radical bao circulonan academico of di cierto investment banks.

Siguramente nos ultra-kader cu prefera saca potretnan bunita cu Miss Universe y keda biaha rond mundo riba nos custia, mester cuminsa lanta fo'i soño finalmente y haci e trabao cu nos por verwacht di e kader di e pais aki. Esta prepara ampliamente pa e scenarionan aki cu no ta leu den futuro.

Si en berdad tur trabao wordo automatiza pa 2045, e concepto di Redistribucion & UBI no lo ta un fantasia pero un necesidad urgente y inmenso pa salvaguardia nos structuranan social. Den su delaster paragrafnan Stiefenhofer et al. ta yama esaki e "Contract Social Nobo".

Spera cu esaki haya mas atencion cu Miss Universe su bishita na Aruba.



A.T.A. a presenta su Rapport Anual 2024 na Comision di Turismo di Parlamento

Dia 16 di juni, e Comision di Turismo di Parlamento a tene un reunion cu CEO di Aruba Tourism Authority (A.T.A.), Sra. Ronella Croes, CFO Sr. Maas van Drie y Business Manager di A.T.A. Sra. Dyane Vis-Escalona, den cuadro di presentacion di e rapport anual di A.T.A. pa e aña 2024. E reunion aki tabata resultado di un peticion formal di e comision, cu a expresa deseo pa haya un presentacion directo di parti di A.T.A.

Conforme ley, A.T.A. ta entrega su rapport anual prome cu 1 di april na e Junta di Supervision anualmente, kende ta revisa esaki. Despues, e rapport anual ta ser entrega na Minister di Turismo pa revision adicional, unabes



cu Junta caba di revisa esaki. Mescos cu e presupuesto di A.T.A., e rapport ta bay Parlamento di Aruba unda e ta

keda un minimo di 10 dia di trabao pa e miembronan por evalua, haci pregunta y duna comentario si ta necesario. Esaki despues cu Minister di Turismo a revisa y ta OK cu e documento.

Puntonan principal presenta pa A.T.A.

Durante e reunion, A.T.A. a brinda un presentacion amplio y detaya tocante su esfuerso den Marketing y Promocion (incluyendo Norte America, Latino America, y Europa). Tambe a amplia riba logronan di esfuersonan riba nos isla pa mehora y desaroya e producto turistico. E presentacion a inclui estadisticanan relevante di turismo, desaroyonan den e sector y e impacto economico cu turismo tin riba Aruba.

Miembronan di e Comision di Turismo di Parlamento a puntra nan pregunta y a ex-

presa cu nan a keda satisfecho cu e respuesta y e informacion presenta. A.T.A. ta gradici pa e oportunidad. Dialogo constructivo asina ta contribui na un miho comprension di e desaroyo y reto den e sector di turismo y como tal pa nos pais den su totalidad.

Den un comunicado di prensa, parlamentario Jennifer Arends-Reyes (AVP), miembro di e comision, a informa cu segun e ultimo rapport anual di ATA, Aruba a logra un aumento di 13% den bishita di turista cu keda, elevando e cifra total na mas di 1.4 miyon, e cifra mas halto desde 2011. Pero mas importante ainda ta e enfoke renoba riba sosten e turismo den harmonia cu nos medio ambiente, comunidad y economia.

Arends-Reyes a destaca cu mientras cu turismo ta keda e motor principal di nos eco-

nomia, e preocupacion pa "overtourism" ta subi den comunidad. "E hecho cu 68% di e encuesta local ta sigui satisfecho cu turismo ta positivo, pero nos no por ignora cu esey tabata 78% den 2018. Nos comunidad ta wak e necesidad pa mas balans y sostenibilidad," el a indica.

ATA a tuma un paso esencial cu e desaroyo di e Multi-Annual Corporate Strategy (MACS) 2025-2035, cu ta delinea un bista largo pa un turismo regenerativo. "Nos no kier solamente un turismo cu ta responsabel, nos kier un cu ta duna back mas cu loke e ta tuma – un turismo cu ta lanta nos naturaleza, cultura y bienestar social," segun Arends-Reyes.

A.T.A. a sigui trahando riba manera di midi movecion di bishitantenan y distribui e fluho pa evita presion innecesario riba nos atraccionnan turistico. Sensor nobo a wordo instala na luganan strategico, y e informacion ta yuda pa mehora maneho y experiencia pa e turista, mientras cu e carga riba e isla ta keda controla. Ademias, e president di e comision di turismo a enfatisa cu un modelo di turismo High- Value, Low-Impact ta e unico manera pa preserva Aruba pa generacion futuro.

E comision parlamentario lo sigui monitor e implementacion di e strategia nobo y ta disponibel pa traha man na man cu ministerio di turismo, ATA y sector priva pa un producto Aruba cu ta realmente sostenibel.

Ainda no tin plan integral pa mitiga impacto di desaroyo mundial riba nos economia

Despues di encuentro publico e siman aki den Parlamento tocante e asina-yama "Trade War", parlamentario Rocco Tjon (MEP) a manda 21 pregunta na minister di Finanzas, señor Geoffrey Wever, tocante e peligernan economico cu un guerra comercial mundial por trece pa Aruba.

"Nos sa cu tension internacional ta aumentando entre paisnan grandi manera Merca, China y Union Europeo. Como un isla chikito y dependiente di importacion

nos ta masha fragil den e tipo di situacionnan aki. Prijs di cuminda, gasolin y otro articulo necesario por sigui subi fuerte si comercio mundial ta keda stroba. Esaki ya caba a sucede!" segun e parlamentario a bisa den un comunicado di prensa.

"Nos kier sa kico e minister ta haci pa proteha nos economia. Pueblo kier sa: kico ta e plan si e importacion ta para of prijs ta subi hopi? Unda e plan di emergencia ta?"

Ta conoci y un hecho cu Aruba ta importa casi tur cos y tambe cu un guerra comercial

ta causa prijs mas halto y esaki nos ta sinti mesora den e bida diario di cada famia Arubano. Ya caba na februari nos a reuni cu Minister Wever y e a priminti di presenta un plan integral na Parlamento. Pero ayera a indica cu ainda e plan aki no ta cla.

"Nos no por sigui warda te ora e impacto negativo bira mas grandi. Tur hende ta sinti e subida di gasto cada dia. Gobierno mester tuma e situacion mas serio."

Di otro banda ta aloca 30 miyon florin pa un fondo di



inversion sin cu tin proyecto identifica. No ta duna subsidio adicional na fundacionnan cu tin mester di esaki pa alivia y mehora cuido di salud mental y Gobierno ta cobra diferente famia cu

tin personanan cu limitacion placa back. Nos ta pidi pa gobierno bin cu prioridadnan husto y presenta un plan cla y transparente pa proteha nos economia si e situacion mundial bira mas dificil.

Cannabis ta pio pa salud di curason cu cocaina, segun estudio



(Earth.com) – Un estudio nobo publica den e journal Heart, basa riba datonan di mas cu 432 milyon persona, a revela un conexion cla: hende cu ta usa cannabis tin un riesgo hopi mas halto di atake di curason, stroke y hasta di muri di malesa di curason.

Den mas cu mita di estadonan na Merca y algun pais na Europa, manera Francia, dokter por duna cannabis na pashent como remedi, pero uso recreacional ta ilegal. Maske e no ta permiti pa uso recreacional, hobennan na Francia toch ta us'e hopi. Alemania recientemente a cambia su leyman, y awo ta permiti hene usa cannabis recreacional for di april 2024.

Awo mas hende ta usa cannabis, y e producto cu nan ta usando ta mas fuerte cu antes. E cannabis di awendia tin mas THC, loke ta nifica efectonan mas fuerte riba cerebro y curpa – specialmente e curason.

Investigadornan a evalua 3,012 estudio. Entre nan, 24 estudio tabata enfoca riba e vinculo entre cannabis y problema mayor di curason.

Un analisis di e investigacion a muestra cu hende cu ta usa cannabis tin un riesgo 29 por ciento mas halto di un atake di curason, 20 por ciento mas halto pa stroke (ataque cerebral) y mas cu dobel e riesgo di muri di malesa di curason.

Riesgo di stroke no tabata muestra mescos den tur es-

tudio. Algun no a haya vinculo fuerte, specialmente den hende cu a usa cannabis un of dos biaha. Pero ora investigadornan a enfoca riba usuarionan mas frecuente of adulto hoben, e riesgo a bira mas cla.

Na Australia, un estudio a haya cu hende cu ta usa cannabis semanalmente tabatin cinco biaha mas probabilidad di sufri stroke of mini-stroke. Database di un hospital tambe a haya riesgo eleva, specialmente den hende entre 25 y 34 aña di edad. E resultado ta sugeri cu uso ocasional di cannabis por no ta un riesgo, pero uso regular, specialmente entre hoben, ta peligroso.

Ademas, un estudio a muestra cu usuarionan di cannabis di 15 pa 22 aña di edad tabatin 36 por ciento mas probabilidad di sufri un atake di curason. Otro a haya cu hende usando cannabis mas cu un biaha pa siman tabatin mas cu dobel e probabilidad. Esey despues di ahusta pa tabaco, cocaina y otro droga. Cannabis a sali como e predictor mas fuerte den un estudio na un hospital Frances – mas fuerte hasta cu cocaina.

Esey no ta e storia cu nos ta tende usualmente tocante cannabis, pero e cifranan ta papia mas cla cu opinion.

E riesgo di eventonan cardiovascular fatal tambe a keda investiga. Den un estudio, pashentnan jong cu tabatin atake di curason y tambe a usa cannabis tabatin mas probabilidad di muri. E vin-

culo a keda consistente hasta despues di controla pa humamento of otro condicion.

Otro estudio na Merca a confirma cu usuarionan di can-

nabis tabatin un riesgo hopi mas halto di muri di causa relaciona cu curason. Na Reino Uni, un estudio di 2024 a revela un twist inespera: muhe, no homber, tabata enfrenta riesgo mas halto di morto relaciona cu curason di uso pisa di cannabis.

Y e beneficianan?

Cannabis a muestra varios beneficio medico proba, specialmente bao guia di dokter. Un di su usonan mas reconocida ta pa trata dolor cronico. Hende cu condicionnan manera artritis, sclerosis multiple of herida relaciona cu nervio hopi biaha ta haya alivio cu tratamentonan basa riba cannabis.

E componentenan di e mata – principalmente THC y CBD – por interactua cu e sistema endocannabinoide di e curpa

pa reduci señal di dolor y inflamacion.

Cannabis medicinal tambe ta yuda pashent di cancer door di alivia nausea y sacramento causa pa kimoterapia, y den algun caso, por stimula apetito pa esnan luchando cu perdida di peso pa motibo di malesa.

Dokter tambe a usa cannabis pa yuda pashent cu problema neurologico. Den algun forma di epilepsia, specialmente mucha, remedi basa riba CBD a reduci e cantidad y severidad di atake.

E chempelman aki ta refleha con cannabis, ora us'e apropiadamente, por duna beneficio real pa pashent, haciendo mas facil pa algun persona ignora e implicacionnan general pa salud mara na uso di cannabis.

MINI MEGA

MEGA PLUS

Cumpra bo Mini Mega y cu **Afl. 2,-** mas, bo por gana e jackpot di

825.000,-

Con?

Afl. 5

Afl. 550.000,-

+

Extra!

Afl. 275.000,-

www.lottoaruba.com

Pa mas informacion yama 525-7555 of bishita nos website lottoaruba.com



Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Consehal di Amsterdam ta pusha pa prohibi tour di go-cart den ciudad

(NLTimes) – Uso di go-cart pa duna tour di Amsterdam mester ta prohibi, Consehal Melanie van der Horst a bisa. E consehal pa trafico, transporte y calidad di aire a responde na un informe di diamars di e emisora local AT5 tocante un compania na Osdorp cu a cuminsa haci tour di go-cart e siman aki. E go-cartnan ta core den centro di ciudad di Amsterdam.

“Nos sigur no ta na fabor di tin e tipo di vehiculonan aki den nos ciudad. Mi ta hopi preocupa pa e seguridad di



trafico si hende cuminsa usa esaki pa core den cayanan di Amsterdam cu ya ta druk,” Van der Horst a declara.

E compania cu ta ofrece e tour yama Molly’s cart. E ta un parti di e sala di arcade estilo Hapones, Molly’s, na Osdorp. E concepto di core go-

cart door di e ciudad a resulta popular na Tokio, Hapon.

Pero Van der Horst ta kere cu e “tour loco” no ta pertenece den trafico debi na e asunto di seguridad conecta cune. “Bo tin visibilidad limita den e tipo di vehiculonan abou aki, y bo no por ser mira facilmente pa un truck, tram of auto.”

E consehal ta bay pidi e alcalde pa altera e reglanan pa e go-cartnan no por core den ciudad druk. Te na e momento aki, e gemeente di Amsterdam ta bay wak varios opcion

pa tene e go-cartnan pafor di e ciudad.

Miembro di conseho di Ciudad di Volt Juliet Broersen tambe tabata critico di e idea. El a bisa AT5 cu turismo masal ta un di e asuntonan mas grandi cu Amsterdam ta confrontando actualmente, y cu esaki ta parcialmente causa pa loke e ta describi como e “parkificacion di diberticion” di e ciudad.

“Esaki ta similar cu bicicleta di cerbes y trahenan di penis y nos na Amsterdam no mester kier esey”.

Cumbre di NATO na Den Haag ta costa €1 miyon pa minuut

(NLTimes) – E cumbre di NATO na Den Haag otro siman ta esun di mas caro ainda, AD a calcula awor cu e programa completo a ser anuncia. E gastonan calcula ta 183,4 miyon euro. Calcula riba e tempo cu e lidernan mundial ta reuni den bida real, esey ta baha na un tiki mas cu 1 miyon euro pa minuut.

E lidernan mundial lo tene e “conseho formal di Noord Atlantico na nivel di hefenan di estado y hefenan di gobierno” den e Foro Mundial na Den Haag pa 10:30 a.m. otro siman diaranson. E reunion ta programa pa 2,5 ora. E hefe di NATO, Mark Rutte, lo

tene un conferencia di prensa di clausura pa 14:00.

Na cada un di e cumbrenan anterior di NATO na Washington, Vilnius y Madrid, e lidernan mundial a tene tres reunion asina. E biaha aki, Rutte a opta pa solamente un reunion debi na e temperamento di e presidente di Merca, Donald Trump, segun fuentenan di NATO a bisa e corant.

Pero esey ta haci e cumbre aki esun di mas caro te awor, ora ta wak con largo e lidernan mundial ta reuni den bida real. E ta tambe entre esnan mas caro den cantidadnan absoluto. E cumbre di



NATO na Gales na 2013 a costa 81,3 miyon euro. Madrid a gasta 50 miyon euro na e cumbre na 2022, y Vilnius a gasta 30 miyon euro na 2023, pero e montante ey a exclui e gastonan di defensa aereo y

barconan naval cu NATO a manda pa Lituania.

E lidernan tambe a ser invita pa un cena na e palacio Real Huis Ten Bosch diamars anochi, pero esaki a ser de-

scribi como un “cena social” riba e programa. Na mesun momento cu e cena, e ministernan di Asunto Exterior lo reuni cu e hefe di politica exterior di EU (Union Europeo), Kaja Kallas, pa papia tocante Ucrania. Y mas trempan diamars, e ministernan di defensa lo discuti e industria di defensa cu presidente di Comision Europeo Ursula von der Leyen.

E organisadornan di e cumbre di NATO na Den Haag no a duna comentario riba e calculacion di AD. Anteriormente nan a enfatisa cu e cumbre ta mucho mas cu djs e reunion di lidernan mundial.

Prome Minister di Sint Maarten ta rechasa rumor di ruptura di coalicion

(Curacao.nu) – Prome Minister di Sint Maarten, Luc Mercelina, a nenga cu tin un ruptura inminente den e coalicion di gubernacion. Den un declaracion skerpi, Mercelina a enfatisa cu su gabinete ta solido y ta keda comprometi na cumpli cu e mandato cu el a ricibi den e eleccionnan parlamentario di augustus 2024.

“Mi ta rechasa cualkier intento pa mina e integridad di e coalicion aki,” Mercelina a bisa. “E gobierno aki ta uni,

enfoca y determina den su trabou pa e pueblo di Sint Maarten.”

Prome Minister a responde na informenan y rumornan tocante posibel tension dentro di e coalicion, cu ta na mando desde 26 di november 2024. Segun e, cualkier intento pa kibra e coalicion ta bay contra di e boluntad di e votadornan. “Un miembro di parlamento cu ta participa den un interrupcion politico asina ta ignora e señal cla cu e pueblo a duna durante e eleccion,” el a declara.



Mercelina tambe a dirigi su mes riba red di comunicacion cu lo a alimenta e specu-

lacionnan aki. El a muestra especificamente riba reportahenan for di Corsou cu el a bisa ta “no solamente ire-

sponsabel, pero hasta difamante.” Un reportahe asina, el a bisa, lo duna un impresion falso di e estabilidad y madurez politico di Sint Maarten.

Prome Minister a haci un yamado na tur representante eligi pa no ser afecta di weganan politico. “Laga nos haci miho cu e boroto y haci loke nos a ser eligi pa haci: lidera cu integridad, goberna cu vision y proteha e estabilidad di e pais.”

Florin Caribense a gana premio internacional di biyete di banco

(Bonaire.nu) – E serie di biyete di florin Caribense nobo a gana e premio pa mihor serie di biyete regional di 2025 na e conferencia di High Security Printing Latin America na Rio de Janeiro. E premio, presenta na Banco Central di Corsou y Sint Maarten (CBCS), ta reconece e combinacion di diseño artistico, innovacion tecnologico y simbolismo cultural di e biyetenan.



E hurado a mira aspectonan manera atractivo visual, característica di siguridad y te na ki grado e biyetenan ta refleha e herencia di Corsou y Sint Maarten. Segun e organizacion, e premio ta un aprecio pa e añanan di preparacion cu a conduci na introduccion di e moneda nobo. Gerente di Sucursal Raquel Lo-Fo-

Wong a acepta e premio na e iconico Sugar Loaf Mountain.

Banda di e florin Caribense, otro moneda tambe a gana premio. Bermuda a ricibi reconocimiento pa e biyetenan nobo di 2 y 5 dollar y Guatemala a ser honra pa un biyete conmemorativo na ocasion di e centenario di e moneda nacional. Tambe

tabatin un premio pa diseño di proyecto respetuoso cu medio ambiente, duna na Papierfabrik Louisenthal di Alemania.

Durante e conferencia, Nancy van der Wal, hefe di comunicacion pa CBCS, a duna un presentacion tocante e importancia di comunicacion y mercadeo ora di introduci un moneda nobo.



Regreso di soldad Hulandes for di Irak a tarda pa motibo di guerra Iran-Israel

(Nu.nl) – Alrededor di shen y cincuenta soldad Hulandes mester a regresa for di un mision di NATO na Irak e siman aki. Sinembargo, debi na e guerra cu a surgi entre Israel y Iran, nan regreso a keda retrasa. Espacio aereo Iraki tambe ta cera.

Ta trata aki di soldadnan cu ta na Irak pa e yamado mision NMI, cu ta termina fin di juni. E prome grupo mester a regresa e siman aki. Sinembargo esey no tabata posibel pasobra e espacio aereo ta cera.

Y si esey keda asina, e regreso

di e resto di e soldadnan tambe por ser retrasa. E soldadnan ta na Irak desde januari: nan a alivia un grupo di otro soldadnan Hulandes e tempo ey.

Espacio aereo Iraki a cera diabierna despues di e prome atake di Israel contra Iran. Irak ta riba e ruta entre e dos paisnan. Desde e tempo ey, Israel y Iran a bin ta ataca otro tur dia, loke ta nifica cu e espacio aereo di Irak no por ta habri di forma sigur ainda.

E ehercito ta mirando con soldadnan Hulandes por regresa ainda. “Nos ta mirando

alternativanan, pero tambe ta un opcion cu e espacio aereo ta habri atrobe”, un vocero a bisa. “Esey por cambia di un dia pa otro. Nos ta vigila e situacion di cerca.”

Soldadnan entrena pa situacionnan impredecibles

Segun e vocero, Defensa ta mantene contacto cerca cu miembronan di famia na Hulanda. “Nunca e ta agradabel pa famia na cas si bo familiar ta regresa mas laat cu a spera.”

Un regreso despues ta un riesgo asocia cu mision militar. “Nos soldadnan ta en-



trena y prepara pa maneha situacionnan impredecible manera esaki.”

E soldadnan Hulandes ta riba un mision di NMI pa proteha conseheronan di diferente pais di NATO den y rond di e capital Iraki Bagdad. Nan ta na Irak pa conseha e sector di defensa y siguridad di Irak.

Esaki mester sigura cu e gobierno di Irak ta resistente na menasa di e grupo terrorista IS y otro gruponan.

Hulanda a participa den e mision cu e rol aki desde januari 2024. Na december a anuncia cu a prolonga participacion den e mision cu seis luna te cu e luna aki.

Señora Hulandes di 80 año a ser haya morto na Francia despues di varios dia perdi; casa ainda perdi



(NLTimes) – Un señora di 80 año perdi di Alphen aan den Rijn a ser haya morto na Francia, segun su famia. Su casa di 83 año ta keda perdi, y e buskeda p’e ta continuando, NOS a informa.

E curpa di e dama a ser descubri diaranson, aunke autoridadnan Frances no a divulga e sitio debi na e esfuersonan continuo pa localisa su casa. Oficialnan ta bisa cu no tin indicacion di homicidio na e momentonan aki.

E pareha Hulandes a bando-

na nan cas na Alphen aan den Rijn mas o menos un siman pasa, cu e intencion di biaha pa nan vakantiehuis na Planchez, un pueblo den e region di Morvan mas o menos 80 kilometer west di Dijon. Nunca nan a yega. Polis Belga ta bisa cu e pareha a ser mira pa ultimo biaha na Charleroi, caminda nan a para banda di caminda. Despues di esey, ta parce cu nan a perde.

E pareha no tabata alcansabel via telefon desde diabierna ultimo. Segun e famia, e homber su telefon tabata paga, loke ta causa preocupa-

cion serio debi cu e tin diabetes y ta monitor su sucu via su telefon. Su remedinan a ser haya na cas ainda.

Polis Hulandes ta trahando hunto cu autoridadnan Frances riba e investigacion. E famia a bisa cu nan ta tristo pa e morto di nan suegra, mama y wela y ta profundamente preocupa pa e suegro, tata y welo. “E buskeda p’e awor ta nos prioridad di mas halto,” nan a bisa den un declaracion, agregando cu nan lo no ta comparti mas detaye den e fase aki pa permiti investigadornan haci nan trabou.

Argentina: Multitudnan grandi ta manifesta den sosten di ex presidente Fernandez de Kirchner

(AP) — Primintiendo cu un condena pa corrupcion y un prohibicion permanente di cargo publico no lo termina su carera politico di decadas largo, ex-presidente Argentino, Cristina Fernandez de Kirchner a cuminsa sirbi su castigo di seis aña den aresto domiciliario mientras diesmiles di su sostendornan a subi caya.

Su detencion a marca un buelta pa un di e lidernan politico mas influyente y polarisante den isquierda Latino Americano cu a sirbi un termino como prome dama di Argentina (2004-2007), dos termino como presidente (2007-2015) y un termino como un poderoso vice-presidente (2019-2023), dominando politica di e pais pa



ultimo dos decada.

Ainda awe, Fernandez ta representa e cara di oposicion contra e presidente libertario radical, Javier Milei. Encuestanan ta sugeri cu e y su brand isquierdista di Peronismo, e movimiento nacionalista populista defendiendo derecho di trahado, ta retene sosten di alrededor di 30 por-

ciento di e pais.

“Nos ta bay bolbe, y es mas, nos ta bay bolbe cu mas sabiduria, cu mas union, cu mas forsa,” Fernandez, 72, a bisa su sostenedornan den un discurso graba for di su cas y transmiti riba speaker riba cayanen downtown di Buenos Aires.

E caso den cual el a keda condena prome na 2022 a haya cu el a defrauda estado den otorga contract di obra publico na un comerciante amigo. E ta rechasa e cargonan vehementemente, acusando su oponentenan di usa sistema hudicial contra dje.

Prome cu e decision di corte e luna aki, e tabata planeando di postula pa un asiento den legislatura provincial di Buenos Aires.

“E berdadero podernan economico sa cu e modelo aki no tin futuro; nan sa cu e ta collapse, y ta p’esey ami ta den prison,” el a bisa den su discurso for di su apartamento den di dos piso den bario Constitucion den capital Argentino.

E escena di multitudnan

grandi cantando “nos ta bay bolbe” a subraya e division profundo na e nacion Sur Americano cu pa largo a keda forma pa Fernandez, kende a aumenta asistencia social y empleo den sector publico durante su terminonan den un expansion dramatico di estado cu a laga Argentina cu inflacion enorme y deficit masivo.

E escombronan economico cu el a entrega su sucesor a yuda impulsa su nemesis, outsider politico Milei, na e presidencia fin di 2023. Milei ta exitoso den su promesa di campaña di baha inflacion. Na mei, tasa mensual di inflacion na Argentina a baha bao di 2 por ciento pa prome biaha den cinco aña, segun agencia di estadistica di gobierno a reporta siman pasa.

Erick ta subi tera na Mexico como horcan categoria 3



(AP) — Poderoso horcan Erick a subi tera den estado Mexicano di Oaxaca diahuebs trempa, segun Centro Nacional di Horcan na Miami. E centro di e horcan tabata ubica como 30km oost di Punta Maldonado. Su biento maximo sosteni tabata registra na 205kph. E tabata moviendo nort-west cu velocidad di 15kph, segun e centro di horcan.

E tormenta a degrada levemente prome cu subi tera, di un poderoso Categoria 4 na un Categoria 3. Mientras un poco reduci den poder, Erick ta keda considera un horcan mayor como Categoria 3, cu por tin biento di hasta 210kph.

E tormenta a pasa door di e resortnan di Acapulco y Puerto Escondido, drentando un pida poco pobla di costa cerca di frontera entre estadonan Oaxaca y Guerrero. Camponan agricultural ta yena e area costero entre pueblonan chikito di piscado.

Ta spera cu Erick lo debilita rapidamente mientras e ta subi e montañanan den costa sur di Mexico, y e sistema probablemente ta bay disipa pa diabierna trempa, segun e centro di horcan.

E tormenta a menasa di lansa biento destructivo cerca di unda e wowo ta subi tera, inundacion flash y un lama peligroso, segun pronostico.

Peru: Trahadornan di utilidad ta descubri mummie pre-Inca

(AP) — Trahadornan di utilidad cobando pa expande e red di tuberia di gas natural den capital Peruano a descubri un mummie pre-Inca aproximadamente mil aña bien, apenas mita meter for di superficie.

E mummie a keda sin descubri a pesar di desaroyo urbano den un distrito di Lima unda ex-camponan agricultural a keda converti den barionan di clase trahador den decadanan recien. Jose Aliaga, un arkeologo cu Calidda, diaranson a bisa cu e mummie, haya den posicion sinta y tapa, ainda tin cabey bruin scur.

“Nos a haya restonan y evidencia cu lo por tin un graf pre-Hispanico,” Aliaga a bisa. El a bisa cu e trahadornan a haci e descubrimiento siman pasa.

Lima, ubica den un valle iriga pa tres riu alimenta for di e Andes, tabata sede di civilisacionnan humano miles di aña prome cu e Spañonan a yega na 1535. Awo cas di 10 miyon persona, e ciudad tin mas cu 400 sitio arkeologico, mayoria di cual ta entrelasa cu e tela urbano actual.

“Ta hopi comun pa haya restonan arkeologico den costa Peruano, incluyendo Lima, principalmente elementonan funerario: graf, entierro y entre esakinan, individuonan momifica,” segun Pieter van



Dalen, decano di Colegio di Arkeologo di Peru.

Van Dalen, kende no ta involucra den e descubrimiento, a bisa cu mummienan riba costa Peruano usualmente ta ser haya momifica naturalmente, generalmente den areanan desierto, cu cuero deshidrata pa e calor di berano. El a splica cu otro restonan desentera a ser haya pa a pasa proceduranan di momifica-

cion pa motibonan cultural, y usualmente ta ser haya den posicion sinta y cu nan man tapando nan cara.

Jesús Bahamonde, director di plan di monitoreo arkeologico di Lima metropolitano na Calidda, a bisa cu e mummie haya siman pasa por a pertenece na un sociedad di piscado di cultura Chancay, cu a florece entre 1000 y 1470 AD.

Republica Dominicana: Famia Espaillat ta kibra su silencio riba e tragedia di Jet Set y ta defende accion responsabel

(DiarioLibre) - Pa medio di un carta publico, e famia Espaillat a papia pa prome biaha despues di e collapse di e dak di e club

nocturno Jet Set dia 8 di april, cu a laga un cantidad tragico di morto y decenas di heridonan. Den e comunicado, su miem-

bronan a declara cu nan a keda keto pa motibo di respet pa e sufrimento di otronan y pa motibo di prudencia den luz di e procedura legal andando, pero nan ta considera necesario pa aclaria informenan incorrecto cu a circula den medionan di comunicacion.

Segun e famia, e comerciante Antonio Espaillat, doño di e establecimiento, tabata pafo di e pais na momento di e incidente, participando den un evento internacional. Sinembargo, nan a indica cu boluntariamente el a regresa Republica Dominicana e mesun dia y a keda na disposicion di autoridad desde e tempo ey.

“Nos a coopera completamente cu e investigacion,” e declaracion a bisa, detayando

cu un peticion formal a ser haci pa confisca e propiedad pa conserva evidencia structural, evaluacionnan a ser proponi pa expertonan internacional, y documento, paspoortnan y otro informacion relevante a ser entrega boluntariamente.

Ademas, e famia Espaillat a afirma di a duna asistencia directo na mas cu 40 individuo afecta, sin condicion of publicidad, como parti di nan responsabilidad moral. “Nos a haci’e y lo sigui haci’e pasobra e ta e cos corecto pa haci”, e documento ta enfatisa.

E declaracion ta bini memey di un contexto di famianan di victimanan ta exige husticia, y varios demanda a ser presenta pa homicidio negligente y responsabilidad civil. Ministerio Publico ta investigando si



tabata falta mantencion structural prome cu e destruccion.

E famia a enfatisa cu nan decision pa papia no ta un asunto di hustifica nan mes publicamente, sino mas bien pa comparti nan version di sucesonan cu e pais y exige husticia sin prehuicio. “Nos ta reitera nos respet y sosten incondicional pa e famianan cu ta sufri. Nos boluntad pa coopera cu autoridad ta keda intacto,” e carta ta conclui.

Trinidad y Tobago: Minister di Finanzas ta anuncia aumento di proyeccion original di deficit laga atras pa gobierno anterior

(TrinidadExpress) - Minister di Finanzas Daven-dranath Tancoo a anuncia cu e herencia di Gabinete saliente di PNM tabata un deficit presupuestario di \$9.67 biyon, cu a subi for di e proyeccion original di \$5.5 biyon.



“Esey ta e herencia di PNM. Esey ta nan \$9.670.000.000. Nan mester tuma propiedad di dje, Sr. Presidente,” el a bisa.

“Mirando e estado di economia actualmente, nos ta ser forsa pa financia e deficit aumenta aki principalmente door di nos prestamonan riba e mercado di capital local y tambe door di hala for di facilidadnan multilateral existente,” e minister di Finanzas a declara.

E ahuste na e deficit a bin como parti di e revision di mitar di aña cu a keda presenta den e Camara di Representantenan ayera.

Tancoo a bisa cu e gobierno di PNM a laga un rastro di un decada di “debe, morto y destruccion”.

E tabata lidera e debate riba e mocion cu ta pidi e Camara pa adopta e rapport di e Comision di Finanzas Permanente di e Camara di Representantenan.

El a bisa cu ta como resultado di e “mal manejo imprudente” cu Gobierno a bin Parlamento pa paga algun cuenta deliberadamente cometi door di PNM, pero pa cual nan no a logra haci provision.

“E ta sabotahe economico y fiscal,” Tancoo a declara.

Tancoo a bisa cu e gobierno aki a ser forsa pa suplementa

un presupuesto di PNM na un cantidad di \$3.1 biyon. “Esaki ta e ultimo capitulo den e historia largo di PNM di subpresupuesto serial,” el a bisa. “Laga e registro muestra cu loke nos ta haciendo awor ta limpia e desorden cu nan a laga atras,” el a bisa.

“Ta trata di cera e bashinan cu PNM a laga deliberadamente den e presupuesto. Esey ta clasico di PNM. Nan a gasta e placa sin ningun idea cla di unda e placa tabata bay bin. No tin planificacion apropiada, no tin financiamiento sostenibel, djis gasto imprudente,” el a agrega.

El a enfatisa cu e poder di compra di e gran mayoria di ciudadanonan a ser reduci den algun caso cu mas o menos mitar ya cu nan a ser comprometi door di cuminda, cuido di salud esencial, transporte y gastonan di banco cu ta subi.

E gobierno di PNM deliberadamente a subfinancia gastonan critico, planeando pa regresa despues di eleccion y exige mas placa, el a sigui bisa.

“Un trampa sin berguensa pa manipula finanzas publico pa probecho politico. Pero e wega a caba. Pueblo a papia. Y awor e gobierno aki mester sana e desorden cu e gobierno ey a laga,” el a bisa.

APEROL SPRITZ
MOËT & CHANDON CHAMPAGNE

TURN UP THE SUN

JUNE 20, 2025

Marisela Band 7:30pm
DJ Aguilar 5:30pm

ZIMA.ARUBA
Reservation number: 699-9317

JOIA BY IBEROSTAR
ZIMA

Cindy-Anne M. Lacle ta gradua di Financial Economic Faculty na Universidad di Aruba



Cindy-Anne M. Lacle a gradua cu un diploma Bachelor di e facultad Financial Economic na Universidad di Aruba. Cindy-Anne a finalisa su carera universitario cu un thesis titular "The Alchemy of Space."

Su guiadonan tabata:

- drs. Joost Jacobs
 - Jorrit van Spaendonck
 - Adamiris Ascenia
- E presentacion a tuma lugar den Maria Convent room 1 y pa 1or di merdia e resultado a drenta, y por a felicita Cindy-Anne M. Lacle pa a logra su diploma Bachelor. Mayor nan Richard y Anna Marila

y famia y invitadonan tabata presente pa e momento asina importante pa Cindy-Anne, kende kier manda un danki di henter su curason na tur docentenan di UA y tur otro hendenan cu el a conoce y siña di nan durante su estudio. Pabien Cindy-Anne!



Promer biaha cu Stichting Examenkamer Nederland a supervisa un examen oficial na Aruba



Recientemente a mira un momento sumamente historico pa nos y pa Aruba ora, bao supervision di Examenkamer Nederland, a tuma luga e prome examen na Aruba.

Esaki ta e curso di Papiamento, Dominio di Idioma. Esaki tabata conhuntamente cu Fundacion Corector di Papiamento (FCP). E prome evaluacion tabata sumamente positivo cual riba e diploma lo aparece e logo di un instancia Hulandes, conhuntamente cu e logo di Fundacion Ensenansa pa Aruba (FEPA) y Fundacion Corector di Pa-

pimento (FCP). Un curso reconoci riba nivel Hulandes tambe.

Un danki na directiva di Fundacion Corector di Papiamento sra. Glenda Reiziger y sra. Jos Maduro y di FEPA señores Randolph Marlon Vrolijk y Tae Harte.

Aña pasa fundacion FEPA a logra haya un acreditacion for di Stichting Examenkamer Nederland unda cu desde awor tur curso y estudionan por ser supervis'e y reconoci pa e institucion Hulandes aki.



Princess Group of Companies-Sint Maarten WE ARE HIRING!

Hotel Manager

Port de Plaisance Resort, Trademark Collection by Wyndham® is a premier hotel located in the heart of Cole Bay. We are seeking a highly motivated, dynamic, and experienced Hotel Manager to lead our team to new heights in providing exceptional service and creating unforgettable experiences for our guests. The ideal candidate will oversee all aspects of our hotel operations and possess a strong background in hospitality management, exceptional leadership skills, and a passion for delivering outstanding guest experiences.

Key Responsibilities:

- Oversee daily operations of the hotel, including front desk, housekeeping, maintenance, and food and beverage departments.
- Ensure exceptional guest service and satisfaction, addressing any issues or concerns promptly and professionally.
- Manage staff recruitment, training, and development to ensure a high-performing and motivated team.
- Monitor and control budgets, expenses, and inventory to achieve financial targets.
- Implement and maintain hotel policies, procedures, and standards.
- Develop and execute strategies to enhance guest satisfaction and increase revenue.
- Conduct regular inspections of the property to ensure high standards of cleanliness and maintenance.
- Handle guest complaints and resolve issues in a timely and effective manner.
- Collaborate with marketing and sales teams to promote the hotel and attract new business.
- Stay updated with industry trends and best practices to continually improve hotel operations.

Qualifications:

- Bachelor's degree in Hospitality Management, Business Administration, or related field.
- Minimum of 5 years of experience in hotel management.
- Multilingual skills are preferred (Dutch, English and French)
- Strong leadership and interpersonal skills.
- Excellent problem-solving and decision-making abilities.
- Exceptional customer service skills and a passion for hospitality.
- Proficient in hotel management software and MS Office.
- Ability to work flexible hours, including nights, weekends, and holidays.

If you are interested in this position, please email your resume with a cover letter to hr.princess.sxm@gmail.com and apply.nesc@sintmaartengov.org

Justin Baldoni ta haya acceso na mensahe priva entre Taylor Swift y Blake Lively

(NBCNews) – Un hues federal a rechasa e solicitud di Blake Lively pa tene algun di su mensahenan di texto priva cu Taylor Swift for di Justin Baldoni, marcando un victoria legal mayor pa e actor y director di “It Ends with Us.”

Hues Lewis Liman a considera den un documento di corte diaranson cu e solicitud di Baldoni pa algun mensahe entre Lively y Swift ta permisible.

Team legal di Baldoni ta bay tin acceso solamente na mensahenan di texto tocante “It Ends With Us,” hues a bisa. Lively y Baldoni a aparece den e pelicula di 2024, un adaptacion di e novela romantico best-selling di Colleen Hoover, “It Ends with Us,” cu ta den centro di nan bataya legal.

“Mirando cu Lively a representa cu Swift tabatin conocimiento di keho of discusion tocante e ambiente laboral den e pelicula, entre otro problema, e solicitud pa mensahe cu Swift tocante e pelicula y e accion aki ta rasonablemente destina pa descubri informacion cu por proba of desmenti e acusa-

cion di acoso y represalia di Lively,” e hues a skirbi.

Un representante di Lively a critica e decision di hues. “E deseo di Baldoni pa trece Taylor Swift den esaki ta constante bayendo back na augustus 2024... un strategia pa influencia e base di fanatico di TS,” e vocero a bisa.

“Nos ta bay continua criticando e esfuersonan implacable di Baldoni pa explota e popularidad di Swift, cu for di prome dia no ta nada mas cu un distraccion for di e acusacionnan serio di acoso sexual y represalia cu e y e partidonan Wayfarer ta enfrentando,” e vocero a agrega, referiendo na e compania productor di e pelicula.

Representantenan di Swift y Baldoni no a responde inmediatamente na solicitud pa comentario.

Lively a demanda Baldoni y otro nan asocia cu e pelicula aña pasa, alegando cu Baldoni a acosa sexualmente di dje y a lansa un campaña di represalia pa atacha su nomber y daña su reputacion. Baldoni a rechasa e acusacionnan.

Dianan despues, Baldoni y

Wayfarer Studios a demanda Lively, su esposo Ryan Reynolds y The New York Times – cu a reporta detayenan di e acusacionnan – pa difamacion. E demanda aki, cu a solicita \$400 milyon den daños, a keda rechasa den corte siman pasa.

Swift, kende ta madrina di un di e yunan di Lively y frecuentemente a ser mira den publico cu Lively, a bin den e demanda luna pasa. Abogado di Baldoni a purba di ricibi un orden pa yam’e como potencial testigo den e huicio na maart 2026. Cantica di Swift, “My Tears Ricochet” tabata den e soundtrack di e pelicula, pero e no tabatin un rol den produccion.

“Mirando cu su involucramiento tabata licencia un cantica pa e pelicula, cual 19 otro artista tambe a haci,



e documento [pa convok’e como testigo] ta diseña pa usa nomber di Taylor Swift pa atrae interes publico door di crea ‘clickbait’ di tabloide na lugar id enfoca riba hechonan di e caso,” un vocero di Swift a bisa e tempo aya.

E solicitud di Baldoni pa e orden hudicial pa Swift a keda retira dianan despues.

Swift y Lively no a ser mira hunto desde cu e bataya legal a cuminsa aña pasa, y tampoco e strea di pop a comenta publicamente tocante e caso.

Angel ta e miho graduado di Filomena College MAVO

Ocupando e puesto nr. un entre e 83% di e graduadonan na Filomena College MAVO na San Nicolas, Angel Robles Henao a sobresali den 2025.

Cu un lista unico pa graduadonan, Angel ta finalisa su añanan na MAVO cu un tremendo lista. Angel tin e asina yama exacte lijst y su cifranan ta lo siguiente: Nederlands 8, Engels 9, Spaans 10, Wiskunde 10, Biologie 8, Scheikunde 9 y Natuurkunde 9.

Tabata directorado di Filomena College MAVO representa pa director Raquel Lampe y director adhunto Joraine Oduber cu a haci e anuncio entregando Angel un obsekio como aprecio y felicitacion.

E potret di Rex Aruba.



Princess Group of Companies-Sint Maarten WE ARE HIRING - PARALEGAL

Job Summary:

We are seeking a meticulous and reliable Paralegal to support our legal and compliance operations. The ideal candidate will assist in ensuring our casinos' activities adhere to local laws, gaming regulations, and internal policies. This role requires strong organizational and research skills and the ability to work under minimal supervision in a fast-paced gaming environment.

Key Responsibilities:

- Assist in drafting, reviewing, and managing contracts, agreements, and legal correspondence.
- Support the legal team in ensuring compliance with gaming laws, licensing requirements, labor laws, and AML regulations.
- Maintain and organize legal files, databases, and corporate records.
- Liaise with local regulators, government agencies, and external legal counsel.
- Monitor updates to gaming regulations and notify relevant departments of changes.
- Prepare and file documentation for regulatory submissions and license renewals.
- Conduct legal research on gaming compliance, labor, and corporate governance matters.
- Assist with internal investigations and documentation of incident reports.
- Help coordinate and prepare for audits and regulatory inspections.

Required Skills & Competencies:

- Strong knowledge of legal terminology and procedures.
- Excellent research, writing, and document drafting skills.
- High attention to detail and accuracy.
- Strong organizational and multitasking abilities.
- Excellent communication and interpersonal skills.
- Discretion and confidentiality in handling sensitive information.
- Familiarity with gaming industry regulations and compliance frameworks is a plus.
- Proficiency in Microsoft Office and legal research tools.

Qualifications:

- HBO-Rechten degree or equivalent or Associate's or Bachelor's degree in Legal Studies, Law, or related field.
- 2+ years of experience as a paralegal, ideally in gaming, hospitality, or regulatory law.
- Knowledge of Dutch Caribbean and Sint Maarten legal systems is an advantage.
- Fluency in both Dutch and English.
- Must be legally authorized to work in Sint Maarten.

To apply, please submit your CV, a brief cover letter, and any relevant certifications to: hr.princess.sxm@gmail.com and apply.nesc@sintmaartengov.org with the subject line: Paralegal Application

UN MATRIMONIO DI TRES MANERA: ARUBA, ESPORTS Y TURISMO

Mi ta sigur cu tur hende cu ta lesa esaki por identifica cu dos (2) di e tres palabranan den e titulo. Aruba su historia di turismo no ta un secreto. Awor manera boso sa, mi ta purba pa no cansa boso cu statistica, pero mientras mi tabata pensa riba e articulolo aki, mi a hasi dos cos. Uno, mi a para riba e boulevard fingiendo di ta un spotter di avion diadomingo cu a pasa, caminda mi a nota mas o menos cinco (5) compania di avion cu tabata yega den un tempo di 45 minuut, y di dos, mi a bai e area turistico pa observa e actividad y haña un pulso. Regresando na e tema, kiko e di tres palabra ta significa... ta Esports... wega di video competitivo... wega di electronico competitivo incluyendo wega di celular! Bo sa e weganen electronico, e cos cu nos como millennials a yora pasobra nos por a hunga solamente riba dianan di fiesta y a sinti e dolor ora nos a perde coriente mientras nos tabata hunga y no por a warda e wega.....vs awor cu e ta ser usa como babysitter pa tene e muchanan ocupa! Awor, kiko si mi bisa boso, loke hopi di nos lectornan lo sa, cu hende ta traha y gana miyones di dolar hungando e weganen competitivo? Mi ta sigur cu hopi di boso cu ta lesa esaki por identifica cu hopi hende ta hunga e weganen aki, asta riba nan celular.

Awor pensa riba esaki - kiko si nos tabatin algun di e mihor hungadornan di video di mundo competiando contra otro riba e isla bunita cu ta Aruba? Imagina bo ta tende un comentador famoso ta bisa: Guys, nos ta aki na Dushiiii Aruba pa e Gran Final di e challenge Global di Minecraft'..... pa mi e frase aki so, mi por mira tur Gen Alpha/Gen Z cu kier ta presente personalmente y tambe por wak riba nan telefon (compronde?) Impresionante si bo puntra mi. Mi ta corda cu mi a participa na campeonato mundial di esport na Bali 2022 caminda cu mas di 100 pais a participa y mirando e impacto, mi a puntra mi mes: Kiko si esaki a tuma lugar den Caribe? Awo ban wak 4 motibonan dicon e 3 nan aki ta un bon matrimonio

1) Aruba Ta Haci Turismo Bon

I. Pa aña 2024, Aruba Tourism Authority a raporta un aumento di 13% den bishitantenan compara cu 2023, cu bishitantenan latinoamericano representando un aumento di 38%.

II. Si un hende a inverti \$1 den e rate di crecimiento total di bishitante na Aruba durante e ultimo 20 aña, e \$ ei awor lo ta bal \$1.78 cu ta un rate di cresemento di 78% durante un periodo di 20 aña.

2) Desaroyo di Skillsets den e Comunidadnan Local

I. Basa riba investigashon, ta calcula cu Aruba tin mas o menos 16.000 habitante cu ta activamente involvi den wega. Ademas, segun Newzoo y ATA Deep Dive riba Gen Z y Millennials, ambos demografia den tres (3) tipo geografico ta clasifica wega den nan top 6 cosnan pa haci.

II. Mientras e topico ta riba esports y wega competitivo, persona pa produci e evento, crea contenido for di e evento, diseña e evento, sigura cu e weganen ta completamente getest, maneha e evento. Mi ta kere cu tur oportunidad pa desaroya skills local cu por wordo exporta, lo ta bon bini. Ademas, e industria di weganen mas amplio a produci un aumento di oportunidadnan di carera. Recientemente mi a mira un articulo di noticia cu ta bisa cu scolnan na Aruba ta wordo ekipa cu internet di fibra como base pa enseñansa digital y tecnologia den enseñansa. Mi tin cu bisa cu ta hopi oportuno tin varios otro carera cu a nace for di e industria di wega. Pensa riba esaki asina. Opcionnan nobo di carera ta ofrece un dobel beneficio, e sinyamento y e production di e habilidad nobo. Tambe awor ta enfocando riba e parti di e esport den e industria ta rekeri un

3) E Oceano ta relativamente blauw den Caribe, pero tin modelo probá

a. Mientras cu Caribe ta conoci pa deporte y turismo, e ta un hungador relativamente chikito den e mercado di turismo deportivo. E ta mas chikito ainda ora nos wak sectornan manera deporte basa riba wega di video.

b. E outlet di turismo deportivo mas grandi y consistente den Caribe; E Caribbean Premier League (CPL) tin algun cantidad fantastico. Un matematica lihe:

- 2022 - USD135m a genera pa e Region Caribense/36,000 kamber/+1,500 empleadonan
- 2023 - USD100M a genera pa Guyana so, mientras cu e torneo a keda organisa den henter e region

4) Esports y Turismo di Deporte

a. Segun e informe di Aruba Tourism Authority (ATA) pa 2024, e meta principal ta pa aumenta e balor economico di turismo. Esaki, si ta tene cuenta cu e hecho cu turismo deportivo ta cubri alrededor di 10% di e gastonan mundial riba turismo, mas e rate di crecimiento di turismo deportivo di 18% entre 2023-2030 mas e esports cu un rate di crecimiento anual di 6% pa e mesun periodo, ta duna tur e elementonan pa e matrimonio.

b. Dado cu e awanan ta relativamente desconoci den Caribe, mi ta kere cu esaki ta presenta un oportunidad increibel pa Aruba ta un lider. Turismo deportivo ya ta activo y ta bayendo bon riba e isla via Beach Tennis (+1,200 for di 40 pais den e ultimo 3 añanan) y Kite Surfing (Aruba Hi-Winds ta e mas grandi di su tipo den Caribe). Basa riba tur dos, esaki ta significa cu lo tin cierto lesnan cu ya a siña cu lo por wordo transferi na esun di e-sport.

Pa conclui, lo mi bisa cu mi a papia di e-sports, pero esei ta djis un parti di e oportunidad mas amplio ku e mercado di wega ta. E realidad ta cu mayoria di Millennials/Gen Z y Gen Alpha ta involvi directamente cu wega of contenido relashona cu wega. Sinembargo, mi ta kere cu e oportunidad pa Aruba posiciona su mes ta grandi. E pais tin e capacidad pa posee e espacio aki y ademas genera ganashi via expansion den Caribe. Manera e hobennan ta bisa, tin diferente nivel den e cos



aki! Pens'e bon! Mi ta sigur cu hopi di boso cu ta lesa esaki por identifica cu e posibilidad cu esaki por bira un realidad.... 'Happy Reading!'

Kwesi Charles ta un profesional di financiamiento y inversion di corporacion cu mas cu 15 aña di experiencia cu ta cubri areanan manera banco di inversion, capital priva, financiamiento di debe, modelacion financiero y credito di consumidor. E tin miles di miyon di dolar di experiencia den transaccion. Kwesi tin un grado di Bachelor y Master den Finansa. Su puntonan di bista a wordo publica den Trinidad y Tobago su diario di negoshi principal. Tambe e ta orguyoso di representa Caribe como e unico contribuyente regional na dos di e plataformanan di informacion di credit union mas grandi na mundo: CUInsight y CU-Management. Ora e no ta involvi den finansa, Kwesi ta profundamente apaciona pa deporte y wega di video competitivo, particularmente eSports. E a hasta lidera e fundacion di e Trinidad y Tobago National FIFA Video Gaming Team. Actualmente e ta e director di Bluestart Capital Aruba VBA (Facilito Cash), un filial di Unicomer Group. Pa medio di su blog, Kwesi ta comparti su pensamiento riba finanzas, strategia y deporte - tres area cu ta cruza den un manera poderoso den nos bida diario. Kiko tabata su meta? Pa crea balor, comparti perspectiva, y yuda otronan naviga den e mundo financiero cu ta evolucionando.

Pa colaboracion, discucion of oportunidadnan, por contacta Kwesi na kwesinyalcharles@gmail.com.

E articulo aki ta patrocina door di Facilito Cash

FacilitoCash

A pidi agentenan di ICE pa bandona e parkeerplaats di Dodger Stadium, ekipo ta bisa

(AP) — E organisacion di Los Angeles Dodgers a bisa diahuebs cu nan a pidi agentenan di Inmigracion y Duana di Merca (ICE) pa bandona e tereno di Dodger Stadium despues cu nan a yega na un parkeerplaats cerca di un di e portanan.

Decena di agente federal cu nan cara tapa a yega den SUV y van di carga na un tereno cerca di e entrada di Gate E di e stadion. Un grupo di manifestante cu tabata carga borchicontra ICE a cuminsa acumula poco despues, medionan local a informa.

“Awe mainta, agentenan di ICE a bin Dodger Stadium y a pidi permiso pa haya acceso na e parkeerplaatsnan. Nan a ser nenga entrada na e tereno pa e organisacion,” e ekipo a bisa den un comunicado publica riba X.

Secretario asistente Tricia McLaughlin a bisa cu e agentenan no tabata purba drenta e stadion.

“Esaki no tabatin nada di haber cu e Dodgers. vehicu-



lonan (di Aduana y Proteccion di Frontera) tabata den e parkeerplaats di stadion un rato so, sin relacion cu ningun operacion of aplicacion,” el a bisa den un email.

E ekipo a bisa cu e wega contra San Diego Padres mas laat diahuebs a tuma lugamanera planea.

Camara di television a muestra mas o menos cuater agente cu a keda na e tereno diahuebs atardi mientras cu oficialnan di e Departamento di Polis di Los Angeles tabata para entre nan y decena di manifestante,

algun di nan cargando borchicontra ICE.

Miembro di conseho Eunisses Hernandez a yega na e stadion y a bisa cu e tabata den comunicacion cu oficialnan di Dodger y oficina di e alcalde.

“Nos tabata den comunicacion cu oficina di e alcalde, cu Dodgers, cu seguridad di Dodgers, pa wak si nan por move nan for di nan propiedad priva,” el a bisa na BC-TV. “Propiedad publico ta diferente. Propiedad priva – negoshinan y corporacionnan

tin e poder pa bisa, ‘No riba mi propiedad,’ Y pues nos ta wardando pa mira e movicion ey sosode aki.”

E protestanan a cuminsa dia 6 di juni despues cu redadanan di inmigracion federal a aresta decenas trahador na Los Angeles. Manifestante a blokea un caminda grandi y a cende auto na candela durante e siguiente dianan, y polis a responde cu gas lagrimogeno, bala di rubber y granat flash-bang.

E administracion di Trump a

activa mas cu 4.000 miembro di e Guardia Nacional y 700 Marinier pa motibo di e obheccion di lidernan di ciudad y estado. Decenas trupa awor ta para dilanti edificionan federal y agentenan federal ta haciendo aresto.

E manifestacionnan a keda concentra mayoria biaha den e centro di ciudad di alrededor 4 miyon hende. Miles di hende a manifesta pacificamente pafor di City Hall y centenares mas a protesta pafor di un complejo federal cu ta inclui un centro di detencion caminda algun emigrante tabata deteni despues di redada na trabou.

A pesar di e protestanan, actividad di aplicacion di inmigracion a sigui den henter e condado, cu lidernan di ciudad y gruponan di comunidad afirmando e presencia di ICE na bibliotecanan, car washnan y Home Depot. Graduacionnan di scol na Los Angeles a aumenta seguridad pa motibo di miedo di accion di ICE y algun a ofrece mayornan e opcion pa wak riba Zoom.

Gattuso ta bisa cu Italia mester di un mentalidad diferente pa evita perde un otro Copa Mundial

(AP) — Gennaro Gattuso ta acercando su trabou nobo como e entrenador di un ekipo di Italia den crisis cu e mesun determinacion y combatividad cu e tabata desplega riba tereno como un medio-campista fuerte.

Reemplasando Luciano Spalletti, cu e cuater-biaha campeon Azzurri den peliger real di no clasifica pa un di tres Copa Mundial consecutivo, Gattuso sa cu no tin espacio pa eror.

“Mi sa cu e no ta un trabou facil pero nada no ta facil den bida,” Gattuso a bisa durante su presentacion diahuebs. “No tin mucho di bisa. Tin trabou pa haci.

“Mi mester drenta den cabes di e hungadornan. Mi ta tende hopi biaha cu nos no tin e talento of hungadornan bon suficiente mas. Pero mi ta kere cu nos tin e hungadornan. Nos mester djis pone e hungadornan den un mentalidad pa gana. Nos



mester pone Italia back den Copa Mundial. Esey ta fundamental.”

Spalletti a ser kita for di trabou despues cu Italia a perde su prome wega di eliminacion 3-0 contra Noruega. E Azzurri ya ta nueve punto atras di Noruega den nan grupo di clasificacion pa Copa Mundial.

Gattuso su debut lo ta na cas contra di Estonia dia 5 di sep-

tember.

Italia ta anfitrión di Noruega den e buelta final dia 16 di november. Solamente e ganador di grupo ta avansa directamente pa e torneo di otro aña na Merca, Canada y Mexico. E subcampeon ta drenta e bracket di playoff cu lo ser hunga den maart otro aña.

Esey tabata e etapa caminda Italia a keda elimina pa Suecia y Noord Macedonia y a keda

exclui for di e Copa Mundial 2018 y 2022, respectivamente.

Pero e lucha di Italia ta bay mas leu, debi cu Azzurri no a logra avansa pasa e fase di grupo na e Copa Mundial 2010 ni 2014.

Gattuso, sinembargo, ta keda como un di e catalisadornan principal di nan careda pa e titulo na 2006.

“El a responde na nos yamada sin duda y cu e mesun entusiasmo cu ora el a ser yama como hungador pa e seleccion nacional,” presidente di e federacion di futbol Italiano Gabriele Gravina a bisa.

Regla nobo pa hungadornan lesiona

Gattuso a bisa cu e kier pone un norma nobo di dedicacion caminda hasta hungadornan lesiona ta keda na e centro di entrenamiento di e seleccion nacional.

“Nos tin hopi fisioterapista y personal medico,” Gattuso

a bisa. “Si mi a scucha di mi curpa, lo mi a hunga 50 wega menos. Nos mester bay mas leu cu nos limitenan.”

Chiesa y Acerbi

Gattuso a bisa cu el a haci yamada caba na 35 hungador, incluyendo Federico Chiesa.

Chiesa a destaca den e ekipo di Italia cu a gana e campeonato Europeo na 2021 pero no a hunga mucho desde cu el a bandona Juventus pa Liverpool aña pasa.

“Mi a bisa Chiesa cu e mester busca un manera pa hunga mas regularmente,” Gattuso a bisa.

Un hungador cu Gattuso no a yama tabata e defensa di 37 aña Francesco Acerbi, kende a nenga su yamada pa e partido di Noruega, caminda e tabata spera di marca Erling Haaland.

“Mi ta respet’e,” Gattuso a bisa. “Pero mi a yama otro hungador mas jong cu mi ta kere por ofrece nos algo.”

Premionan Individual di Copa Noord HEINEKEN 2025

Copa Noord 2025 dedica na Johannes "Poy" Flanegin, Alvaro Barrios, Nel Frank y Francis Arcaya a termina cu un broche de ora dia di Tata 15 di Juni ultimo na veld di Kudawecha. Royal Power Tat Fat Campeon invicto mientras Salbabo kendenan por mira atras riba un presentacion digno y formidabel den Copa Noord a bay cu e titulo di Sub Campeon. Despues di e promer set di Tsunami kendenan a presenta y sacudi Kudawecha cu un artista international Skinny Banton, Comision Organizador di SV Royal Power Tat Fat Copa Noord 2025 a bay over na e parti protocol pa entrega premio na ekiponan ganador y reparti premionan individual.

Premionan individual di Copa Noord 2025

MVP di e torneo ta wordo saca for di e ultimo wega pero alabes ta mira tambe e crusen di diasabra, semi final pero sigur e peso mas grandi ta wordo poni riba e wega final. Pues bo mester hunga final y gana e wega final pa por ricibi e premio maximo como MVP.

Jomark Flanegin desde diasabra tabata redhot conectando su propio Tata Poy Flanegin un homerun pa knock out Super Plus mandando nan cas. Diadomingo Jomark a destaca den semi final merdia y atardi Jomark a pitcha 7 inning alabes a bati tremendo cargando su ekipo pa e titulo

maximo. Unanimamente cu 7 voto na fabor di e Comision cu ta duna conseho pa premio individual Jomark Flanegin ta conquista e premio di MVP "Most Valuable Player" di Copa Noord 2025.

Champion Batter, Champion Pitcher y Champion Homerun ta wordo saca for di e promer buelta esta e promer ronda. Champion Batter a resulta Marcel Duran di Super Plus kende a bati di 8-6 pa un averahe di 750. Un hungador tabata tin mester di "minimo" 8 turno esta 8 "plate appearance" pa por participa pa e premio aki. Marcel Duran di Super Plus merecidamente a bay cu e titulo aki.

Champion Pitcher a bay pa Rodney Kelly di Calabas Blue Jays. Rodney Kelly tabata e unico pitcher cu un record di 2-0 den e promer buelta y asina a seya e titulo riba su number. Champion Homerun of Homerun King a bay pa "Camala" AlexanderGroeneveldt di Stingers. Stingers un ekipo nobo den Copa Noord cu a sa di luci yegando te semi final y su hungador ta logra un titulo individual. A hunga cu un bala 0.44 COR y organisadornan a pone batenan disponibel pa e torneo.

No tabata facil pa saca e bala pafor di parke. Den e promer buelta "Camala" Alexander Groeneveldt tabata e unico hungador cu a logra saca e bala for di parke den deep centerleft y asina ta ricibi su premio di Champion Home-



run merecidamente.

Comision Organizador SV Royal Power Copa Noord 2025 ta felicita tur atletanan kendenan a ricibi un premio individual. Masha pabien! Sigui traha duro pa boso destaca otro aña 2026 un biaha mas den Copa Noord 2026 cu lo wordo organisa pa Calabas Blue Jays. Masha Masha Pabien.



Pariba Legends lo bin pabou pa Sero Blanco!

Shonnan amante di domino "Top Gun", e diasabra awor, 21 di juni, cuminsando pa 8'or di anochi, e prestigioso y mundialmente famoso Domino Square Garden un biaha mas lo ta escenario di otro sambombaso den domino!

E legendarionan di pariba di brug, esta Pariba Legends DT, lo baha bin pabou pa enfrenta otro ekipo temerario, esta Sero Blanco DT. Shonnan, aki ta dos ekipo di caliber ta bay bati piedra contra otro! Pa cuminsa, den e team di Pariba Legends ta figura un dje hungadonan mas controversial den domino aki na Aruba, nada menos cu Nelson "Snor" Perez, un hungado cu manera e lanta su 7 piedranan for di mesa e

ya por calcula ken lo gana e man ey basa riba su formulanan sofistica y matematico den domino. Un cos fuera di otro mundo, algo cu te awe ta wordo categorisa como e "Skinwalker Effect" door di ciencia di domino mundial. Di otro banda, Sero Blanco ta conta cu e militancia di nada menos cu "Nai" Rasmijn, un veterano estilo "no mercy" den domino. Aki nos no ta papiando di "zomaar iemand" den e arte di pega piedra, pero di un conocedo dje ciencia y forsanan oculto dje naturalesa rond di dje. Un berdadero "Jedi" cu ta uza "the force" pa move su piedranan den e direccion victorioso, y c'un simpel movimiento di su man por pone bo wowo bira scur y hinca bo den un trance estilo perde-

haya! Aki ta dos style completamente diferente ta bay bataya otro: e style basa riba formulanan matematico contra e style basa riba sabiduria dje bieunan y conocimiento di naturalesa!

Pues shonnan, diasabra awor 21 di juni, cuminsando pa 8'or di anochi, Domino Square Garden, aya net n'e grens entre Kudawecha y Calabas, lo bira e escenario di un encuentro sumamente interesante! Manera semper, entrada ta completamente gratis pa pueblo en general, y rond di halftime, e pasapalanan lo skeiro rond totalmente por nada! Bini un bini tur presencia otro sambombaso di domino. Un cos nos por bisa alvast: "May the force be with you ..." Yega!

CEO di Amazon Jassy ta bisa cu AI lo reduci su forza laboral den e proximo añanan

(AP) - CEO di Amazon Andy Jassy ta anticipa cu inteligencia artificial lo reduci su forza laboral corporativo den e proximo añanan mientras e gigante online ta cuminsa aumenta su uso di e tecnologia.

“Nos lo tin mester di menos hende haciendo algun di e trabao cu nan ta haci awe, y mas hende cu ta haci otro tipo di trabao,” Jassy a bisa den un mensahe manda na empleadonan. “E ta dificil pa sa unda esaki lo para den e proximo añanan, pero nos ta



anticipa cu esaki lo reduci nos forza laboral corporativo total mientras nos ta haya beneficcionan di eficiencia cu e uso

di AI di manera extenso den e compania.”

E ehecutivo a bisa cu Amazon tin mas di 1,000 servicio di AI y aplicacionnan den progreso of construi caba, sinembargo e cifra aki ta un “fraccion chikito” di loke e tin plan pa construi.

Jassy a encurasha e empleadonan participa den e compania su plannan di AI.

“Mientras nos ta pasa den e transformacion aki hunto, ta curioso tocante AI, educa bo mes, atende workshop y rici-

bi training, usa y experimenta cu AI ora cu bo por, participa den nos ekipo su brainstorm pa saca afo con pa inventa pa nos clientenan di manera mas rapido y amplio, y con bo por haci mas trabao cu ekiponan mas chikito,” el a bisa.

Anteriormente e luna aki, Amazon a anuncia cu e tin plan di inverti 10 biyon dolar den construccion di un campus na North Carolina pa expande su infraestructura di cloud computing y inteligencia artificial.

Tip di tecnologia:

Usa tecnologia pa track bo mascota

(AP) - Den casnan cu tin mascota, comunmente bo ta tende “bo a wak e cacho?” of “bo a wak e pushi?”, y esaki ta pa motibo cu mascotanan sa sali for di cas bay patio of cualkier otro caminda. Den caso di Kelvin Chan di AP, su dos pushi Maple y Juniper tin e libertad di bay y bin, ekipa cu microchip pa identifica nan si nan perde.

Si bo mascota gusta bay cana pa oranan largo, e por ta preocupante ora cu nan no regresa manera bo tabata spera.

Tecnologia a bira un parti util den yuda mantene un bista riba nos mascotanan

Con tecnologia pa mascota ta traha

Tracker dedica na mascotanan ta dispositivonan cu ta usa manera un cadena cu tipicamente ta usa señalnan di GPS pa muestra e localisacion di e animal cu tin’e bisti. Nan ta usa un señal di telefon 4G of bo conexcion di Wi-Fi na cas pa manda e posicion na un smartphone.

Tin varios producto di esaki den emrcado. Tractive, Jibbit y Pawfit ta entre marcanan cu ta ofrece tracker pa ambos cacho y pushi. E diferencia pa e dos mascotanan ta den e peso y tamaño di e tracker.

Señal di telefon

Mayoria tracker ta laga’bo desgina un zona safe riba un mapa, usualmente bo cas of e area alrededor y ta manda un alerta ora cu bo mascota sali



for di e area aki.

Usualmente nan ta opera riba e espectro di 4G LTE cual ta comunmente usa pa companianan cu ta traha cu conexcion wireless. Esaki tipicamente tin e rango mas largo di cualkier señal di celular, segun Andrew Bleiman, ken ta vice presidente ehecutivo di Norte America pa Tractive.

Bateria

E cadenanan aki usualmente tin un bateria cu por recarga integra, sinembargo e duracion di e bateria ta algo cu por varia. Mayoria di nan lo dura 2 pa 3 dia prome cu nan mester bolbe charge y hopi mas cu esaki den condicionnan ideal.

Un factor grandi ta e fortaleza di un señal. E bateria lo caba mas lihe si e dispositivo mester traha mas duro mas conecta na GPS of conecta na Wi-Fi. Algun ta spaar energia pa medio di no manda coor-

denada dentro di e zona safe.

Otro funcionnan

Di mesun manera cu fitness pa ser humano, e aplicacionnan aki pa mascota ta ofrece monitor di actividad y salud. Bo por mira con hopi bo cacho of pushi a pasa ta descansa of ta haci ehercicio a base diario of pa ora. Sinembargo, mester tene na cuenta cu e tracker “no ta bay mantene bo mascota den e safe zone, sino solamente alerta ora cu nan sali for di e area virtual ‘safe’ cu bo a crea.”

Si e tracker perde

Alrededor di 24 ora despues cu a pone e tracker riba Maple, e doño a ripara cu e no tabatin’e bisti mas. Pa algun motibo y di algun manera e tracker a losa.

Si bo no pro yega na bo mascota su posicion exacto, of e dispositivo perde, algun di nan tin un funcion di “radar” cu por saca afo e posicion cu e

bluetooth di bo telefon.

Riba e aplicacion su mapa, bo por mira unda e tracker ta y mientras bo ta yegando mas cerca e circulo cu ta marca esaki ta bira mas grandi.

Microchip

E ta comun pa pushinan y cachonan tin microchip, cu e detayenan agrega na un base di dato. Esaki ta haci mas facil pa e doñonan reuni cu nan mascota perdi, sea cu nan ta algun miya leu of tin añanan perdi.

Microchip pa mascotanan, cual ta mas o menos e tamaño di un aros implanta bao di e cuero, ta legalmente rekeri den algun pais Europeo. No tin leynan federal dentro di Merca, aunke algun luga manera Hawaii ta rekeri esaki awo, pues pa cada pais mester revisa y consulta leynan y autoridadnan local.

Sinembargo, tin confusion tocante kico un microchip por haci. Pa motibo cu bo no tin un suministro di energia, nan no por track den tempo real. Ken cu haya bo mascota lo mester hib’e un shelter of veterinario pa por scan e chip y mira e detayenan.

Air Tag y dispositivonan similar ta un otro opcion

Varios doño di mascota ta usa tracker cu bluetooth manera Apple su Air Tag, Samsung su SmartTags of dispositivonan similar, cual ta depende riba señalnan di consumo abao di energia cu smartphonenan ta manda.

Tracker di bluetooth tin un rango di 100 pa 500 pia (30 pa 150) meter, dependiendo riba e model. E bateria pa e ultimo lunanan si no mas largo, y no tin necesidad pa paga pa un suscripcion.

Sinembargo, nan no ta promovi especificamente pa mascotanan. Esaki no a stop doñonan di mascota, mirando e varios recomendacionnan cu nan a publica den forum online.

“Bluetooth ta un solucion completamente razonable pa algun persona,” Bleiman a comenta. “Sinembargo mascotanan ta move lihe. E ta tiki probable cu bo mascota lo ta cerca di un dispositivo bluetooth.”



Merca ta resumi visa pa studiantenan di afo pero ta exige acceso na nan cuentanan di red social



(AP)—E Departamento di Estado na Merca a bisa diaranson cu e ta cuminsando atrobe e proceso suspendi pa stranheronan aplica pa visa di estudiante pero cu tur aplicante awor ta rekeri di habri tur nan cuenta di red social pa evaluacion gubernamental.

E departamento a bisa cu agentenan consular lo ta monitoriando publicacion y mensahenan cu por parce hostil pa Merca, su gobierno, cultura, institucionnan of principionan fundamental. Den un nota publica diaranson, e departamento a bisa cu el a anula su suspension di e proceso di visa pa estudiante pero a bisa cu aplicantenan nobo cu ta nenga di pone nan cuentanan di red social como “publico” y permiti pa esakinan ser evalua por ser rechasa. El a bisa cu pa rechasa esaki por ta un se-

ñal cu nan ta purba evadi e requisito of sconde nan actividad online.

E administracion di Trump a para temporalmente e planificacion di entrevista pa visa pa studiantenan sperando di por studia den Merca mientras nan ta prepara pa expande e screening di nan actividad riba red social, oficialnan a bisa.

Studiantenan rond mundo ta wardando ansiosamente pa consuladonan Mericano habri afspraak pa entrevista pa visa, mientras e bentana pa cumpra ticket di vuelo y haci areglo di vivienda ta cerando pa e aña escolar nobo.

Diaranson atardi, un estudiante di Ph.D na Toronto por a sigura un afspraak pa un entrevista otro siman. E estudiante, un ciudadano Chines, ta spera di por biaha pa Merca pa un pasantia investigativo

cu lo cuminsa fin di juli. “Mi ta hopi aliviado,” e estudiante a bisa, ken a papia riba condicion di ta identifica solamente pa su fam, Chen, pasobra e ta preocupa cu e por bira un blanco. “Mi ta keda refresh e website par biaha tur dia.”

Studiantenan di China, India, Mexico y Filipinas a publica riba red social cu nan ta monitoriando websitenan pa book un visa y ta observando di cerca comunicadonan di e Departamento di Estado pa haya cualkier indicacion di ki ora planificacion di afspraak por resumi.

Cu e reapertura di e proceso di visa, e Departamento tambe a conta consuladonan pa priorisa studiantenan sperando di inscribi na universidadnan unda stranheronan ta conta pa menos cu 15% di e poblacion di estudiante, un oficial familiar cu e asunto a bisa. E oficial a papia riba condicion di anonimidad pa

detaya informacion cu ainda no a ser publica.

Studiantenan stranhero ta conta pa mas cu 15% di e poblacion total di estudiante na casi 200 universidad na Merca, segun un analisis di e data federal riba educacion for di 2023. Mayoria ta universidadnan priva, incluyendo tur scolnan Ivy League. Pero e criteria ey tambe ta inclui 26 universidad publico, incluyendo e Universidad di Illinois y Pennsylvania State.

Mirando solamente na studiantenan cu ainda no a gradua, studiantenan stranhero ta conta pa mas di 15% di e poblacion na casi 100 universidad, casi tur di nan priva.

Studiantenan internacional na Merca ta enfrentando un aumento di critica di varios banda. Durante temporada di primavera, e administracion di Trump a revoca permiso di miles di estudiante pa studia den Merca, incluyendo algun envolvi den ofensanan di trafico, prome cu el a cambia curso diripiente. E gobierno tambe a expande e fondo riba cual studiantenan por mira nan status legal termina.

Como parti di un campaña di presion dirigi riba Harvard University, e administracion di Trump a move pa blokia studiantenan stranhero pa inscribi e scol, cual ta conta riba studiantenan internacional pa collegegeld y un kwart di su aplicantenan. Trump a bisa cu Harvard mester limita inscripcion stranhero na 15%.

E movida mas recien aki pa investiga e cuentanan di red social, e departamento a bisa diaranson, “lo sigura cu nos ta screen cada persona adecuadamente cu ta purbando di bishita nos pais.”

Den guia interno manda pa agentenan consular, e departamento a bisa cu nan mester ta buscando pa “cualkier indicacion di hostilidad dirigi riba ciudadanonan, cultura, gobierno, institucionnan of principionan fundamental di Merca.”

Jameel Jaffer, director checutivo na e Knight First Amendment Institute na Universidad di Columbia, a bisa cu e politica nobo ta zona manera e investigacion ideologico di e Guerra Friu, ora artista y intelectualnan prominente a ser exclui for di Merca. “E politica aki ta censura tur agente consular, y lo inevitablemente tapa discurso politico legitimo ambos paden y pafu di Merca,” Jaffer a bisa.

E administracion di Trump tambe a haci yamado pa 36 pais compromete na mehora nan investigacion di biaheronan of enfrenta un prohibicion riba nan ciudadano pa bishita Merca. Un cable diplomatico manda pa e Departamento di Estado durante weekend ta bisa cu paisnan tin 60 dia pa atende e preocupacionnan di Merca of riesgo di ser agrega na e prohibicion di biahe cu awor ta inclui 12 nacion.

Minister di Economia Ruso ta bisa cu e pais ta ‘na punta di recesion’



(AP)—E economia di Rusia ta “na punta di bayendo den recesion,” segun e minister di Economia di Rusia a bisa diahuebs, segun reportahenan di media Ruso.

Minister Maxim Reshetnikov a entrega un advertencia na e Forum Economico Internacional na St. Petersburg, e evento anual den e ciudad Ruso diseña pa subraya e poder economico di e pais y

atrae inversionistanan di afo.

E agencia noticiero di empresa RBC a cita e oficial bisando cu “e cifranan ta indica un friamento, pero tur nos cifranan ta (manera) un spiel di auto. Considerando e manera cu empresanan actualmente ta sinti y e indicadonan, nos ta caba, ta parce mi, na punta di bayendo den recesion.”

E economia, afecta cu un cantidad di sancion despues cu e Kremlin a manda trupanen den Ucrania na februari 2022, te ainda a surpasa pronosticonan di prestacion. Gastamento halto riba defensa a causa crecimiento y a mantene desempleo abao a pesar di stimula inflacion. Na

mesun momento, salarionan a hisa pa por mancha e inflacion, creando un miho situacion pa trahadonan

Bonusnan grandi di reclutamento pa esnan cu a inscribi pa drenta e ehercito y beneficianan di morto pa esnan cu a muri na Ucrania tambe a crea mas entrada pa e regionnan ma pover den e pais. Pero durante e termino largo, inflacion y un falta di inversion di afo ta keda menasa e economia, lagando un duda tocante con largo e economia militarisa por sigui.

Economistanan a adverti di e presion creciente riba e economia y e probabilidad cu e lo keda para debi na un falta

di inversion den sectornan cu no ta e ehercito.

Papiando na un sesion di e forum, Reshetnikov a bisa cu Rusia tabata “na punta,” y si e pais lo bay den recesion of no ta depende riba e accionnan di e gobierno. “Bayendo dilanti, tur cos ta depende riba nos decisionnan,” Reshetnikov a bisa, segun RBC.



Famia di hoben Britanico asesina den accidente cu chauffeur Mericano ta ricibi disculpa di polis

(AP) - Polis Britanico a pidi disculpa diaranson na e famia di e hoben motociclista cu a perde su bida despues di un accidente cu empleado di gobierno Mericano cu tabata stuur na banda incorrecto di caminda cerca di un base aereo Mericano.

Den un declaracion despues di e publicacion di un evaluacion di e incidente, Northamptonshire Police a pidi disculpa na famia di Dunn pa un "fracaso di nos parti pa haci nos miho esfuerso pa e victima den e caso aki."

E evaluacion a critica e forsa policial, especificamente ex

hefe Nick Adderley, pa e manera cu a mancha e investigacion y a bisa cu a duna prioridad na e bienestar di e sospechoso, Anne Sacoolas, riba un "investigacion rapido y efectivo."

Tambe a haya cu tabatin potencial pa un cultura di no detene sospechosonan "den circunstancianan manera esaki, cual por causa cu no ta obtene cierto evidencia."

Reaccionando na e evaluacion, Harry su mama Charlotte Charles a bisa cu e fayonan identifica ta algun cu "ningun famia mester pasa den dje."

"Awe su evaluacion ta confir-



ma loke nos tabata sa pa vari-

os aña, cu e hendenan den ken nos mester a por confia, a faya nos," el a bisa. "Harry a ser laga pa su cuenta banda di caminda. Sacolaas no a keda deteni, aunke polis tabatin tur poder pa haci esaki. El a bay for di e pais y ni a bisa nos."

Sacoolas tabata maneha na e otro banda di caminda ora cu su auto a accidenta contra y causa fayecimento di e hoben di 19 aña, cerca di un base militar Mericano RAF Croughton. Na diferencia di Merca, chauffeurnan na Reino Uni ta core na banda links di caminda.

Sacoolas y su casa, un oficial

di inteligencia Mericano, por a sali for di Reino Uni bao leyman di inmunidad diplomatico 19 dia despues di su accidente den augustus 2019. Merca su gobierno a invoca inmunidad diplomatico di su parti, causando indignacion na Britania.

El a admiti na polis dos luna despues di e accidente cu "el a stuur manera un Mericano." El a ricibi un sentencia di prison suspendi di 9 luna den december 2022, aunke el a nenga bay Britania pa e audiencia. E hues den e caso a reduci e castigo pa motibo cu Sacoolas a declara su mes culpable y su bon caracter anteriormente.

Resultado Sorteo
Juni 19

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
2508	3312	9627	0236
5633	1445	SUPER5	0017
9284	6611	-	6195

MERDIA

ANOCHI

CATACHI

Sorteo # 4655

9822

1000

2767

MULTI-X

X2

BIG 4

Sorteo # 4655

5536

MULTI-X

X2

1OFF

Sorteo # 2711

9848

ZODIAC

Sorteo # 4655

3458

Virgo

LUCKY 3

Sorteo # 1529

763

MULTI-X

X2

CATACHI

Sorteo # 8574

9127

3553

7010

MULTI-X

X2

BIG 4

Sorteo # 7618

0539

MULTI-X

X2

1OFF

Sorteo # 2323

4341

ZODIAC

Sorteo # 6377

2862

Sagitario

LUCKY 3

Sorteo # 1307

328

MULTI-X

X2

LOTTO 5

Sorteo #

0 x Jackpot

0 x Match 4+

0 x Match 4

0 x Afl. 12,00

Joker

Letter

Proximo Jackpot

160.000,-

LOTTO DIA

Sorteo # 6861

0 x Jackpot

6 x Match 4

150 x Afl. 8,00

Proximo Jackpot

56.000,-

MEGA

Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

550.000,-

MEGA

Afl. 825.000,-

KORSOU

Sorteo #

QR Code

King Classic Sudoku

				2	3		4	
		7	9					5
						2	9	
				1		8		3
			2		8		5	
		8	5			7		4
	9	6		4	2		1	
					5	6		9
	8	5					7	2

Difficulty: ★★★★★

6/20

©2025 King Features Syndicate, Inc.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel: 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Central: Seroe Preto:
Tel. 585 1965 Tel. 584 4833
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Corte di Kenya ta sentencia hombernan pa sostene militantenan di al-Shabab den atake di 2019



(AP) - Corte na Kenya riba diahuebs a sentencia dos hende homber na 30 aña den prison pa facilita e atake di 2019 riba un hotel di luho na Nairobi, atake cu a laga 21 persona morto.

Corte a tende cu Hussein Mohamed Abdille Ali y Mohammed Abdi Ali, ambos di Kenya, a manda placa y yuda adkiri documentonan di identificacion falso pa e militantenan, kendenan a fayece durante e atake di e complejo DusitD2.

E grupo militante conecta na Al-Qaida, al-Shabab basa na Somalia, a tuma responsabilidad pa e atake, un di esun mas mortal paden di Kenya. Esaki a tuma luga 6 aña despues di un atake unda 67 prsona a perde nan bida na un shopping mall di Nairobi y 4 aña despues di un atake unda 147 estudiante a perde nan bida na Garissa University.

Al-Shabab a priminti retribucion contra Kenya pa manda trupa Somalia pa lucha desde 2011, y sigui orkestra atakenan na Somalia y Kenya.

Hues Diana Kavedza durante su sentencia a bisa cu e sentencia ta papia pa e sobrevivientenan cu merece husticia y cera e capitulo aki.

El a nota cu “un di e investigacionnan di contraterorismo mas comprensivo na Kenya su historia, mirando cu agencianan di autoridad a persigui no solamente e atakantenan su asociadonan inmediato pero tambe e financiadornan, facilitadornan y coordinadornan logistico cu a facilita e atake.”

Nacionalnan di exterior, incluyendo un Mericano y un Britanico, tabata entre esnan cu a perde nan bida den e atake di 2019.



Pronostico di tempo

Tempo:

Awe nochi: parcialmente nubla y generalmente seco
Den marduga y mañan: parcialmente nubla cu un awasero breve

Temperatura maximo 33 grado celsius

Temperatura minimo 27 grado celsius

Indice di calor (heat index) den y rond di oranan di merdia: 34 pa 40 grado celsius
UV index: 12

Bahada di solo : 7:07 pm
Subida di solo : 6:15 am

Biento:

Moderate te basta fuerte for di direccion oost;
Forsa 4 te 5 (20 te 39 km/ora, 11 te 21 nudo)
Den di dia fuerte te posiblemente duro den rafaga;
Forsa 6 te 7 (40 te 61 km/ora, 22 te 33 nudo)

Situacion general di tempo pa proximo 24 ora:

Un ola tropical moviendo den region local y bayendo west, ta treciendo humedad y aire instabil. Esaki lo causa momentonan cu hopi nubia cual lo induci localmente algun awasero cu tambe un



chance chikito pa lamper cu strena. Awasero modera te localmente pisa lo causa molester na algun parti di e isla.

Condicionnan maritimo/estado di lama:

Na partinan protegi di costa: keto, rond di 1 pia.
Na partinan zuid: trankil te modera cu olanan di 1 pa 3 pia.
Na partinan oost te noordwest di costa; generalmente modera cu olanan di 4 pa 6 pia localmente e por yega 7 pia.

Aviso/ alerta:

Ocupantenan di boto chikito mester bay cu cautela na partinan oost, noord te noordwest di area di costa y tambe riba lama habri.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23



Nos ta anuncia fayecimento di:

Oslin Anuar Bergrok

*01-01-1990 - †09-06-2025

Mama: †Haydee Bergrok

Tata: †Oslin Croes

Yiunan:
Nathan Bergrok
Azrienne Bergrok

Mama di su yiunan: Maryluc Dirksz

Pareha: Christine Lacle

Rumannan:
Rosheline Montero
Jamie Bergrok
Peter Bergrok

Sobrinonan: Kyandra Tjin Kon Fat, Zayden Todaro, Mia Todaro, Jazeah Zayn Bergrok

Tanta y omonan:
Bianca Veldkamp y famia na Hulanda
Emileta Bergrok y famia na Curacao
Harold Bergrok y famia
Velutrina Bergrok
Mayra Bergrok
Jhonny Kwidama y famia

Su primo y primanan na Aruba y Hulanda

Tur su coleganan y amigonan di team: Softball, Volleyball, Beach Tennis y su ex colega nan di balashi.

Demas famia, amigonan, bisiñanan y conocirnan:
Bergrok, Montero, Kwidama, Todaro-Salcedo, Maduro, Dirksz, Franken, Veldkamp, Tjin Kon Fat, Kock, Krozendijk, Koolman, Toms

Ta invita pa e **acto di entiero** cu lo tuma lugar diabierna 20 di juni 2025 na Aurora Funeral Home di 2:00 pa 4:00 pm, despues lo sali pa Santana central na Sabana Basora

Aurora

Royal Pray

Funeral Home & Crematory

With heavy hearts, we announce the passing in the Netherlands of

Ricky Julio Cook

son of the late “Lolita Cook” and “Mario Frans”.

He was a beloved husband, father, grandfather, great-grandfather, father-in-law, brother, uncle, and great friend whose impact will never be forgotten.



The service for burial in Aruba to celebrate his life will be announced at a later date.

The family appreciates your thoughts and prayers during this time.

Ricky will be deeply missed by all who knew him.

Aurora

Royal Pray

Funeral Home & Crematory

In my Father's house are many mansions: if it were not so, I would have told you. I go to prepare a place for you. - John14:2



With heavy hearts, we share the news of the death of

Phyllis Telania Hernandez-Clarke

*01-07-1952 - †13-06-2025

Husband: Jose Maria Hernandez

Mother: †Pearl Estelita Gibson-Clarke

Father: †Zacchaus Natanial Clarke

Children:
Sharon A.C Hernandez
Raul Hernandez y Tecla vd Biezen
Leslie Hernandez y Maria Hernandez Atencio-Barroso

Grandchildren:
Kimberly Cornelio, Carolyn Cornelio, Shadeska Hernandez, Catherine Midi, Samantha Bermudez-Hernandez and Kevin Bermudez, Donna Hernandez, Ralph Hernandez

Great grandchildren:
Shary-Ann Midi, Majayura Eguavoén,

Like grandchildren:
Sener Bruges and family, Sagandra Bruges and family, Lyxienne Ruiz

Sisters and brothers:
Anita Clarke and childrens
†Clyde Clarke and childrens
†Dotsie Clarke-Mastin, Barry Mastin and childrens
Julia Clarke and daughter
†Alsworth Clarke
†Gwendolyn Ceaser and family
†Sylberth Clarke

Godson: Ricky Fingal

Brother-Sister in law:
Rafael Hernandez
Edwin Hernandez and family
Delia Hernandez-vd Biezen and family
Isaias Hernandez and family
Raymond Hernandez and family

Friends that are like family:
Toy and Fanchi Loopstok, Miriam and Roy Jansen, †Elly and Juancho Fingal, Jeta Maduro, Sally and Cesar Velasquez, Lakshan Siriwardane, Eilee Wever and Vicky Weller

Rest of the family: Hernandez, Clarke, Gibson, Murphy, Bailly, Bonadi, Jackson, Medford, Bandfield, Mastin, Loopstok, Maduro, Atencio, Midi, Cornelio, Bermudez, vd Biezen, Ruiz, Bruges and neighbors.

Brothers and sisters of GSCC and Pastor Frank and Jacky Daal.

Doctor: Gerrit Croes

Doctor assistant: Katie

From the bottom of our hearts we would like to thank Wilhelmina Kankerfonds Aruba for their support and guide throughout this difficult process.

You are invited to the **farewell ceremony**, which will take place at Royal Funeral Home on Friday, June 20th, 2025, from 2:00 PM to 4:00 PM. **The cremation** will take place privately with the family. The cremation will be held privately with the family.

Desired color upon request of our beloved Wela, wear green or red.

Our sincerest apology if in our grief we forgot to mention any names of other beloved ones.

We apologize that we will not be receiving any visitors after the ceremony.

Aurora

Royal Pray

Funeral Home & Crematory

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33



Cu dolor na nos curason, nos ta participa fayecimento di nos ser stima:

Miluska Marilu Hoek

*19-02-1972 - †05-06-2025

Na number di su **Mama:** Alva Hoek

Wela(o):
†Felix Simplicio Hoek
†Coleta Victoria “Viola” Hoek

Rumannan:
Engelbert y Thrishna Visser-Strachan
Ebert Visser
Eldrick Visser
Marlyn Marval
Rafael Marval
Shirley Marval
Norman Marval

Sobrino(a)nan:
Engelbert Visser Jr.
Engelline Visser y yiunan
Shaenri Visser
Mattheo Visser
Sonia Visser
Mauro Visser
Keighley Visser
Tommy Visser

Tantanen y omo:
Elaine Hoek
†Gladys y †Piet Bogers-Hoek
†Marylin “Rubia” Hoek
†Roland Hoek
Vianca y Dennis Arends-Hoek
Vivian Hoek

Primo y primanan: Cherly y Lainebert Toppenberg, †Bruce y Kevin Arends, Rodney Hoek, Vivienne y Derek Pop
Padrino: Franklin Matos
Ensan cu a atende cu ne: Dito Matos y Cherly

Amigonan : Editha Bernabela (mama), Charissa Ras, Loesje Thode, Jade Padron, Raynold Werleman, Sandra Jeffrey, Elvis y Tom Wester, Xiomara Dirks, Lilian v/d Linden, Doña Rosa

Bon Bisiña: Fidelia
Ex coleganan di: Kong Hing Super Center
Dokter di cas: Dr. Tjon Kon Sang

Ta invita tur famia, conocirnan pa e **acto di despedida** cual lo tuma lugar Diasabra 21 di June 2025 di 2 pm pa 4 pm na Aurora Funeral Home. **Cremashon** lo tuma lugar den seno familiar

Aurora

Royal Pray

Funeral Home & Crematory



Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason. “Cerca Dios mi alma ta na paz, ta di DJE mi salvacion ta bin”
Salmo 62:1

Cu dolor na nos curason, nos ta participa fayecimento di:

Freddie G. Croes

Cariñosamente yama “Papa Eddy”
*17-11-1959 - †11-06-2025

Acto di entiero lo wordo anuncia despues

Iran a ehecuta por lo menos 975 persona aña pasa *E cantidad mas halto desde 2015 segun rapport di UN*

(AP) - Iran a ehecuta ehecucionnan na un tasa “alarmante” aña pasa cu por lo menos 975 persona asesina, hefe di UN (Nacionnan Uni) a bisa den un rapport cu tambe a cita otro abusonan di derechonan humano, for di bareranan contra libertad di expresion na e uso di tortura y detencion arbitrario.

Comisario diputado di Nacionnan Uni Nada Al-Nashif, ken a presenta e rapport na e conseho di derechonan humano basa na Geneva, a urgi Iran para tur ehecucion como un prome paso den direccion di un prohibicion.

Tambe el a haci yamado pa negociacionnan urgente diplomatico pa caba cu e conflicto escalando entre Iran y Israel.

E 975 persona ehecuta den 2024 a surpasa e calculacion di 834 den 2023 y ta e tasa mas halto di ehecucion desde aña 2015, segun e rapport di Secretario-General Antonio Guterres. 4 di ehecucionnan a ser haci publicamente. Iran ta ehecuta ehecucionnan pa medio di colgamento.



Di esnan ehecuta, 52% tabata pa ofensanan relaciona cu droga, 43% pa asesinato, 2% pa ofensanan sexual y 3% pa ofensanan relaciona cu seguridad, e rapport a declara.

E cantidad di muhenan ehecuta tambe a aumenta. Segun informacion ricibi pa U.N su oficina di derechonan humano, por lo menos 31 hende muhe tabata ehecuta den 2024, cual ta un aumento

di 22 den 2023. Entre e 31 mhenan aki, 19 aparentemente tabata ehecuta pa asesinato, incluyendo 9 condena pa asesinato di nan casa cu tambe tabata den caso di violencia domestico, matrimonio obliga of matrimonio cu mucha.

Tambe entre esnan ehecuta tabatin muhenan y hombernan condena pa manifestacionnan cu a cuminsa den

september di 2022 despues di e fayecimento di Mahsa Amini, di 22 aña, cu a keda deteni pa Iran su polis di moralidad y acusa di no bisti su cobertura pa cabes di manera corecto.

E rapport tambe a bisa cu un cantidad desproporciona di esnan ehecuta tabata di Iran su minoria, cu por lo menos 108 prisionero Baluch y 84 Kurdo entre esnan ehecuta aña pasa.

Citando informacion cu e oficina di derechonan humano a ricibi, e rapport a bisa cu por lo menos 31 persona, incluyendo oposicion politico, tabata ehecuta pa ofensanan relaciona cu seguridad nacional manera spionahe pa Israel.

E oficina aki a bisa cu e tambe a ricibi reportahe di tortura, detencion arbitrario y huicionnan cu no a logra cumpli cu procesonan andando y standardnan di huicio husto.

Pa loke ta trata e derechonan na libertad di expresion, asociacion y asamblea pacifico, e rapport a bisa cu informacion cu e oficina a ricibi ta haya cu por lo menos 125 reportero tabata persegui pa nan trabao den 2024. Por lo menos 40 reportero femenino a ser persigui of convoca pa nan reportahe, segun e rapport.

Al-Nashif a bisa cu Iran a coopera cu e oficina di derechonan humano, sinembargo Guterres ta lamenta cu e gobierno a nenga acceso na e mision independiente internacional buscando hechonan tocante Iran cu e Consejo di Derechonan Humano a establece.

Sur Africa ta declara desaster nacional cu mortonan di inundacion yegando 92

(AP) - Sur Africa tabata bao di un estado unda a declara un desaster nacional riba diahuebs. Esaki pa motibo cu e cantidad di morto for di inundacionnan causa pa yobida severo den e region a au-

menta na 92.

Gobierno di Eastern Cape a honra e victimanan di e inundacion di siman pasa cu un dia provincial di luto y un misa na King Sabatha Dalindyebo Technical and

Vocational Education and Training (TVET) College na Mthatha, un di e tiki scolnan ken su infraestructura a keda intacto.

Papiando na e misa publico aki, Zolile Williams, un miembro di e conseho ehecutivo a bisa cu e ciudadanonan di e provincia aki no ta mescos desde cu e desaster a golpia, y varios awo ta enfrenta cu e tarea y desafio di reconstrui. “Desde dia 9 di juni, e provincia aki a ricibi golpi fuerte pa desasternan inespera, catastrofico, unda den henter e provincia, 92 persona a perde nan bida,” Williams a declara. “Desde e dia aki, Eastern Cape no tabata mescos. Esaki ta e prome bida cu nos a experiencia asina hopi curpa morto, y algun cu nos no a ni haya ainda.”

Un tempo extremo a causa yobida pisa, biontonan fuerte y sneeuw den partinan di e provincia y esaki a causa inundacion den un di Sur Africa su provincianan di men-

so recurso, lagando decenas morto y cayanan y casnan cu scolnan y otro infraestructura daña. Por lo menos 2 mucha di scol cu a bay cu un bus ta entre e cantidad no verifica di personanan perdi segun reportahenan den media, mientras cu miles a keda desplasa.

Autoridadnan a apela pa residentenan reporta e personanan perdi pa asina e rescaticanan por compronde di miho manera con hopi hende nan ta buscando ainda.

Lidernan religioso for di diferente religion cristian tabata entre e centenares di persona den luto cu a atende e ceremonia, sendiendo candela como un expresion simbolico di recorda e 92 persona cu a fayece den e inundacion.

Den un notificacion di gobierno diaranson, Elias Sithole, director di National Disaster Management Centre, a bisa cu tempo severo a causa e daño na propiedad y a stroba

e servicjonan vital den e provincianan di KwaZulu-Natal, Eastern Cape, Western Cape y Free State, cual a causa cu Sur Africa lo declara un estado nacional di desaster.

E declaracion aki ta permiti e gobierno libera financiamiento pa alivio y rehabilitacion y lo keda implementa te ora cu esaki caba of e condicionnan no por keda categorisa como un desaster nacional.

Presidente Cyril Ramaphosa recientemente a bishita e pueblo di Mthatha, den e provincia, unda e inundacionnan a golpia mas fuerte.

Varios di e victimanan di e inundacion aki tabata biba riba terenonan cercano na e riunan. Oficialnan di gobierno a bisa cu barionan pover cu vividnanan informal tabata esnan mas impacta. Autoridadnan a ricibi critica pa e respuesta na rescate perotambe pa e estado di infraestructura den e area.



Spaňa ta rechasa propuesta anticipa di NATO di un gasto di 5% den defensa

(AP) - Spaňa a rechasa un proposicion di NATO pa gasta 5% di e GDP den necesidadnan di defensa cu mester anuncia proximo siman, bisando cu esaki no ta “razonable.”

Prome Minister Pedro Sanchez, den un carta manda diahuebs na Secretario-Generaal di NATO Mark Rutte, a bisa cu Spaňa “no por compromete na metanan di gasto specifico pa loke ta trata GDP” na NATO su proximo cumbre na Den Haag.

Mayoria aliado na NATO ta na caminda pa promove Presidente Mericano su exigencia di inverti 5% di GDP riba nan necesidadnan di defensa y militar. Den comienso di juni, Suecia y Hulanda a bisa cu nan tin plan di cumpli cu e meta nobo aki.

Un oficial di NATO riba diahuebs a bisa cu dialogo entre e aliadonan ta andando tocante un plan di gasto den defensa nobo.

“Pa Spaňa, compromete na un meta di 5% no solamente no ta razonable, pero tambe no ta productivo, mirando cu esaki lo move Spaňa leu for di su gasto optimal y lo stroba EU su esfuersonan andando pa fortalece su ecosistema di defensa y seguridad,” Sanchez a skirbi den e carta cu The Associated Press a mira.

Spaňa tabatin e gasto mas abao den e aliansa militar den 32 nacion aña pasa, dirigiendo menos di 2% di su GDP riba gastonan di defensa.

Sanchez a bisa cu e pais ta “completamente comprometi cu NATO,” pero cumpli cu e meta di 5% “no ta compatible cu nos estado di bienestar y nos vision mundial.” El a bisa cu haci esaki lo rekeri corta servicionan publico y baha e gastonan, incluyendo den transicion berde.”



Na luga di esaki, Spaňa lo mester gasta 2.1% di su GDP pa cumpli cu ehercito di Spaňa su necesidadnan di defensa calcula, Sanchez a comenta.

Na cas, scandalnan di corrupcion a impacta Sanchez su circulo cercano y miembro-nan di famai cu a pone e lider Spaño bao presion creciente pa yama eleccion trempa, te hasta di algun aliado. Den april, ora cu Sanchez a anuncia cu Spaňa lo logra NATO su meta di gasto anterior di 2%, e decision aki a causa rabia na algun miembro di e coalicion cu ta ma iskienda di su partido.

Aliadonan di NATO a acepta un meta di gasto di 2% di GDP riba gastonan militar despues cu Rusia a lansa su invasion di escala completo di Ucrania. Sinembargo e aliansa su plannan pa defende Europa y Norte America ta rekeri inversion di por lo menos 3%.

E meta awo ta di subi e porcentahe aki na 3.5 pa defensa clave manera tanki, avionnan, defensa aereo, misil y contra trupan extra. Un 1.5%

adicional lo ser gasta riba cosnan manera cayanan, wafnan y veldnan aereo pa asina ehercito por desplega cu mas

velocidad, ademas di prepara sociedad pa un posible atake.

Rutte ta den plan di trece

dilanti un proposicion nobo riba diabierna cu e meta di satisfase Spaňa. E aliadonan Europeo y Canada ta spera por finalisa e acuerdo di gasto aki prome cu e cumbre, y no laga esaki habri pa cualkier debate intenso cu por alarga e reunion.

Polonia y e paisnan Baltico - Estonia, Latvia y Lithuania - ya caba publicamente a compromete na 5%, y Rutte a bisa cu mayoria aliado ta cla caba pa promove e meta aki.

Sinembargo Spaňa no ta su so den NATO su miembro-nan cu ta gasta tiki. Belgica, Canada y Italia tambe lo encontra dificultad den gasta biones di dollar.

Un pregunta grandi cu ainda mester contesta ta ki cuadro di tempo e paisnan lo ricibi pa por yega e meta di gasto nobo aki.



Aruba Bank cu donacion di AWG 100,000 na Stichting CasMarie Como parti di su celebracion di 100 aña

Den cuadro di e celebracion di su 100 aña di existencia, Aruba Bank ta haci un donacion mensual di 100 mil florin na varios organizacion social, educativo, ambiental y mas, como parti di su “Legacy Project”.

E meta ta pa lanta un legado positivo y duradero den comunidad di Aruba. Como parti di esey, Aruba Bank ta orguyoso pa anuncia un donacion di AWG 100,000 na Stichting CasMarie, un organizacion local cu ta dedica su esfuersonan na cuida di esnan cu demencia avansa y sosten pa nan cuidadornan.

Stichting CasMarie, estableci den aña 2006, ta opera cu pasion y profesionalismo pa mehora calidad di bida di persona cu demencia na Aruba. E organizacion ta ofrece programan di dia, estimulacion cognitivo, y apoyo emocional pa famia y cuidadornan. CasMarie ta un miembro activo di “Alzheimer Disease International” y ta traha man na man cu institutonan local manera Centro di Memoria. E donacion di AWG 100,000 lo sirbi pa habri

un tercer centro di dia pa persona cu demencia avansa, compra di mueblenan terapeutico y materialnan “sensory”, haci adaptacion na e espacio pa seguridad y comfort, y prepara e staff y programa pa ricibi mas cliente tur dia den un ambiente sigur y structura.

Segun Sharon Fränkel, Managing Director di Aruba Bank:

“Nos ta kere cu un banco no solamente mester brinda servicio financiero, sino tambe tin un rol importante den desaroyo humano y sostenibel di su comunidad. Nos ta honra pa yuda realisa e vision di CasMarie, y contribui na un sistema di cuida mas empatico y accesibel specialmente pa nos grandinan.”

E donacion aki ta reflexion di un compromiso profundo pa sigui inverti den bienestar di e sector mas vulnerabel di nos comunidad.

Aruba Bank ta orguyoso pa forma parti di e trabou cu gran balar humano cu e ekipo di CasMarie ta eherce.



AMC UNICON SAN NICOLAS

BAN PARIBA EVENT

UPTO

45% OFF

ON SELECTED ITEMS
STOCK IS LIMITED

JUNE 20TH AND 21ST

SAVE AWG. 15



OSTER
IRON STEAM
W/AEROCERAMIC
TECHNOLOGY
ANTI-CAL-TEAL
GCSTBS5052-013

NOW
AWG. 35

WAS AWG. 50

SAVE AWG. 34



GIBSON
DINNERWARE
CANYON CREST
12 PCS STACKABL
135731,12

NOW
AWG. 85

WAS AWG. 119

SAVE AWG. 41



CUISINART
TOASTER
2 SLIDE
TOUCHSCREEN
BLACK
CPT-T20

NOW
AWG. 129

WAS AWG. 170

SAVE AWG. 100



NOW
AWG. 189

WAS AWG. 289

MASTERTECH
COMBO 2 BLENDER
COFFEEMAKER
SANDWICH MAKER
MTTBCMB939

SAVE AWG. 81



NOW
AWG. 189

WAS AWG. 270

OSTER
BLENDER
700W - 2 SPEED
BEEHIVE - SILVER
BLSTBESTE-013

SAVE AWG. 86



NOW
AWG. 299

WAS AWG. 385

RADIOSHACK
PA SPEAKER FM
12 INCH 20000RM
4001941

SAVE AWG. 801



NOW
AWG. 1999

WAS AWG. 2800

FRIGIDAIRE
REFRI TOPMOUNT
14 CU.FT. SS
FFHT1425W

AMC SAN NICOLAS

568-9070

HORARIO: 9AM - 6PM
DIALUNA PA DIASABRA

amc unicon